

四庫全書

子部

欽定四庫全書

子部
管子卷八

詳校官中書臣徐志晉

編修臣倉聖脈覆勛

總校官進士臣楊懋珩

校對官中書臣李 棻

謄錄監生臣張 恒

欽定四庫全書

管子卷八

唐房玄齡注

中匡第十九

內言二

管仲會國用三分二在賓客

二以供賓客

其一在國管仲懼

而復之

復白也以賓客之費太半故白之

公曰吾子猶如是乎

以吾子為賢當

以供賓之義為急務尚懼而白之乎

四鄰賓客入者說出者譽

入見禮而悅者出必

為延譽也光名滿天下入者不說出者不譽污名滿天下壤

可以為粟

播壞則生粟

木可以為貨

破木成器則貨

粟盡則有生貨

散則有聚君人者名之為貴財安可有

有財則失名故不可有

管

仲曰此君之明也公曰民辦軍事矣則可乎對曰不可

甲兵未足也請薄刑罰以厚甲兵於是死罪不殺刑罪

不罰使以甲兵贖

有罪使出甲兵以贖之也

死罪以犀甲一戟刑罰

以脅盾一戟

脅盾也既出盾又令出一戟也

過罰以金

過誤致罰出金以贖之

軍

無所計而訟者成以束矢

不計於軍事而以私訟者令出束矢以平其罪成平也

公曰甲兵既足矣吾欲誅大國之不道者可乎對曰愛

四封之內而後可以惡竟外之不善者

先施峻於四封之內則士致死

故可以惡竟外之不善

安卿大夫之家而後可以危救敵之國

大卿

夫家安則大臣盡力故以危救敵之國

賜小國地而後可以誅大國之不

道者舉賢良而後可以廢慢法鄙賤之民是故先王必有置也而後必有廢也必有利也而後必有害也桓公曰昔三王者既弒其君今言仁義則必以三王為法度不識其故何也對曰昔者禹平治天下及桀而亂之湯放桀以定禹功也湯平治天下及紂而亂之武王伐紂

以定湯功也且善之伐不善也自古至今未有改之君
何疑焉公又問曰古之亡國其何失對曰計得地與寶
而不計失諸侯計得財妾而不計失百姓計見親而不
計見棄三者之屬一足以削遍而有者亡矣古之隳國
家隳社稷者非故且為之也必少有樂焉不知其陷於
惡也桓公謂管仲曰請致仲父仲父者尊老有德之稱桓公欲尊事管仲故以
仲父之公與管仲父而將飲之行飲酒禮掘新井而柴
號致之馬新井而又柴蓋之十日齋戒召管仲管仲至公執爵
欲以潔清示敬之

夫人執尊觴三行管仲趨出公怒曰寡人齋戒十日而飲仲父寡人自以為修矣仲父不告寡人而出其故何

也

謂不辭而出所以怒

鮑叔隰朋趨而出及管仲於途曰公怒管

仲反入倍屏而立公不與言少進中庭公不與言少進傅堂公曰寡人齋戒十日而飲仲父自以為脫於罪矣仲父不告寡人而出未知其故也對曰臣聞之沈於樂者洽於憂樂過則憂博厚於味者薄於行慢於朝者緩於政害於國家者危於社稷臣是以敢出也公遽下堂曰寡

人非敢自為修也仲父年長雖寡人亦衰矣吾願一朝

安仲父也

言俱至於衰老故欲一朝樂飲而為安

對曰臣聞壯者無怠老

者無偷順天之道必以善終者也三王失之也非一朝

之萃

其所由來者漸矣非一朝萃集也

君奈何其偷乎管仲走出君以

賓客之禮再拜送之明日管仲朝公曰寡人願聞國君

之信對曰民愛之鄰國親之天下信之此國君之信公

曰善請問信安始而可對曰始於為身中於為國成於

為天下公曰請問為身對曰道血氣以求長年長心長

德

長心謂謀慮遠也
長德謂恩施廣也

此為身也公曰請問為國對曰遠

舉賢人慈愛百姓外存亡國繼絕世起諸孤

孤謂死王
事者子孫

薄稅斂輕刑罰此為國之大禮也法行而不苛刑廉而

不赦有司寬而不凌

不虐
懔獨

苑濁困滯皆法度不亡

鬱濁
謂穢

塞不潔清者也因滯謂疲羸微隱者也有
如此者皆以法度加之不令有所失亡也

往行不來而

民游世矣

其行法度者但往行而進不却來
而退而人以此自得行於世也

此為天下

也

小匡第二十

內言三

桓公自莒反於齊使鮑叔牙為宰鮑叔辭曰臣君之庸臣也君有加惠於其臣使臣不凍饑則是君之賜也若必治國家則非臣之所能也其唯管夷吾乎臣之所不如管夷吾者五寬惠愛民臣不如也治國不失秉臣不如也

如也

秉柄也柄所操以作事國柄者賞罰之紀要也

忠信可結於諸侯臣不如

也制禮義可法於四方臣不如也介冑執枹立於軍門使

百姓皆加勇臣不如也

枹擊鼓

夫管仲民之父母也將欲

治其子不可棄其父母公曰管夷吾親射寡人中鉤殆於

死今乃用之可乎鮑叔曰彼為其君動也君若宥而反之其為君亦猶是也公曰然則為之奈何鮑叔曰君使人請之魯公曰施伯魯之謀臣也彼知吾將用之必不吾予也鮑叔曰君詔使者曰寡君有不令之臣在君之國願請之以戮羣臣

戮以徇羣臣

魯君必諾且施伯之知夷

吾之才必將致魯之政

既知其材故授以國政

夷吾受之則魯能

弱齊矣夷吾不受彼知其將反於齊必殺之公曰然則

夷吾受乎鮑叔曰不受也夷吾事君無二心公曰其於

寡人猶如是乎對曰非為君也為先君與社稷之故君若欲定宗廟則亟請之不然無及也公乃使鮑叔行成

成平也與魯平

曰公子糾親也請君討之魯人為殺公子糾又

曰管仲讎也請受而甘心焉魯公許諾施伯謂魯侯曰

勿子非戮之也將用其政也

用之使知政

管仲者天下之賢

人也大器也在楚則楚得意於天下在晉則晉得意於天下在狄則狄得意於天下今齊求而得之則必長為魯國憂君何不殺而受之其屍魯君曰諾將殺管仲鮑

叔進曰殺之齊是戮齊也

言戮以狗齊也

殺之魯是戮魯也弊

邑寡君願生得之以徇於國為羣臣僂

戮之以識羣臣

若不生

得是君與寡君賊比也

言親吾賊

非敝邑之君所謂也使臣

不能受命於是魯君乃不殺遂生束縛而桀以予齊

桀押檻

鮑叔受而哭之三舉

三舉其聲傷哀其將死也

施伯從而笑之

笑其僂也

謂大夫曰管仲必不死夫鮑叔之忍不僂賢人

言多所容忍必

不僂賢人

其智稱賢以自成也

稱舉也

鮑叔相公子小白先入

得國

得國人心

管仲召忽奉公子糾後入與魯以戰能使魯

敗謂魯師與齊戰能使魯敗而齊克也功足以得天與失天其人事一也

管仲本圖將立小白今能敗魯而勝齊是其功也故於齊為得天於魯為失天至於能成人事則一今魯

懼殺公子糾召忽囚管仲以予齊鮑叔知無後事既得管仲

則知後無禍必將勤管仲以勞其君必探管仲本敗魯勝齊之意以成其

功勤而慰願以顯其功衆必予之願君試用管仲以顯其定齊之功如此衆

必與之有得力死之功猶尚可加也顯生之功將何如

是假令管仲力死成功但一時之事耳猶尚可加況不恥垢辱忍而生全齊將得之而霸以顯其本謀之功

何善如之乎昭德以貳君也言昭管仲之德以為君之副貳鮑叔之知

不是失也

以鮑叔之智能及此國必不失也

至於堂阜之上

堂阜地名

鮑叔

祓而浴之三

祓謂除其凶邪之氣

桓公親迎之郊管仲詘纓挿衽

示將就戮

使人操斧而立其後

操斧者將受斧鉞之誅也

公辭斧三然後

退之

退操斧者

公曰垂纓下衽寡人將見管仲再拜稽首曰

應公之賜殺之黃泉死且不朽

言君賜之死尚感恩不朽況生之手

公遂

與歸禮之於廟三酌而問為政焉曰昔先君襄公高臺

廣池湛樂飲酒田獵畢弋不聽國政卑聖侮士唯女是

崇九妃六嬪

九妃謂諸侯所娶九女天子九嬪諸侯六也

陳妾數千食必梁

肉衣必文繡而戎士凍饑戎馬待游車之弊

游車弊然後以為戎

車戎士待陳妾之餘

陳妾食餘然後以食戎士

倡優侏儒在前而賢

大夫在後是以國家不日益不月長吾恐宗廟之不掃

除社稷之不血食敢問為之奈何管子對曰昔吾先王

周昭王穆王世法文武之遠迹以成其名合羣國比校

民之有道者設象以為民紀

校試其人有道者與之設法象而為人紀

式美

以相應比綴以書原本窮末

其所用美事必令始終相應然後次比緝綴書之簡

策故能原其本窮其末無不錯綜也

勸之以慶賞紘之以刑罰糞除其顛

旄

顛謂高之頂人或不整闕旄者所以誓勅兵士言能務農息兵故糞其顛而除其旄

賜予以鎮

撫之以為民終始公曰為之奈何管子對曰昔者聖王之治其民也參其國而伍其鄙定民之居成民之事以為民紀謹用其六秉如是而民情可得而百姓可御桓公曰六秉者何也管子曰殺生譽賤貧富此六秉也桓公曰參國奈何管子對曰制國以為二十一鄉商工之鄉六士農之鄉十五公帥十一鄉高子帥五鄉國子帥五鄉參國故為三軍公立三官之臣

謂三軍之官也

市立三鄉

工立三族澤立三虞山立三衡

自三鄉已下每皆置具官

制五家為

軌軌有長十軌為里里有司四里為連連有長十連為

鄉鄉有良人三鄉一帥桓公曰五鄙奈何管子對曰制

五家為軌軌有長六軌為邑邑有司十邑為率率有長

十率為鄉鄉有良人三鄉為屬屬有帥五屬一大夫武

政聽屬

以武為政者聽於屬

文政聽鄉各保而聽

鄉屬之聽各自保之

毋有

淫佚者桓公曰定民之居成民之事奈何管子對曰士

農工商四民者國之石民也

四者國之本猶柱之石也故曰石也

不可使

雜處雜處則其言唯其事亂

唯亂也

是故聖王之處士必

於閒燕

處士閒燕則謀議審

處農必就田墾處工必就官府處商

必就市井

市井必四方若造井之制故曰市井

今夫士羣萃而州處閒燕

每州之士羣萃共處閒燕謂學校之處

則父與父言義子與子言孝其事

君者言敬長者言愛幼者言弟曰昔從事於此

旦昔猶朝夕也

以教其子弟少而習焉其心安焉不見異物而遷焉

異物

謂異事非其所當習者

是故其父兄之教不肅而成其子弟之學

不勞而能夫是故士之子常為士今夫農羣萃而州處

審其四時權節

於四時中又權量其節之早晚

具備其械器用

械器皆為田器

比耒耜穀芟

比偶其耒耜及穀芟穀芟小於耒耜一人執之以隨耒耜之後重治其闕遺芟音種

及寒擊橐除田以待時乃耕

冬寒之月即擊去其草之橐者修除其田以待春之

耕也深耕均種疾耨

耨謂復種既已均種當疾耨之

先雨芸耨以待時雨

時雨既至挾其槍刈耨耨

在披曰挾槍耨也刈耨也耨耨也耨耨也

以旦

暮從事於田塹稅衣就功

脫其常服以就功役便事而省費

別苗莠列

疏邀

邀密也謂苗之疏密當均列之

首戴苧蒲

苧蔣也編苧與蒲以為笠

身服襪襪

襪謂麤堅之衣可以任苦著者也

沾體塗足暴其髮膚盡其四支之力

以疾從事於田野少而習焉其心安焉不見異物而遷焉

是故其父兄之教不肅而成其子弟之學不勞而能是

故農之子常為農樸野而不慝

農人之子朴質而野不為姦慝

其秀才

之能為士者則足賴也

農人之子有秀異之材可為士者即所謂生而知之不習而成

者也故其賢足可賴也

故以耕則多粟以士則多賢是以聖王敬

畏臧農

以農民能致粟又秀材生焉故聖王敬畏農而臧近之

今夫工羣萃而州

處相良材審其四時辨其功苦

功謂堅美苦謂濫惡

權節其用論比

計制斷器尚完利

裁斷為器貴於完利

相語以事相示以功相陳

以巧相高以知事

以其能知器用之事相高

且昔從事於此以教其

子弟少而習焉其心安焉不見異物而遷焉是故其父

兄之教不肅而成其子弟之學不勞而能夫是故工之

子常為工今夫商羣萃而州處觀凶饑審國變察其四

時而監其鄉之貨

監視也

以知其市之賈負任擔荷服牛

輅馬以周四方料多少計貴賤以其所有易其所無買

賤鬻貴是以羽旄不求而至竹箭有餘於國竒怪時來

珍異物聚且昔從事於此以教其子弟相語以利相示

以時相陳以知賈

賈知物價相與陳說

少而習焉其心安焉不見

異物而遷焉是故其父兄之教不肅而成其子弟之學

不勞而能夫是故商之子常為商相地而衰其政則民

不移矣

相地沃瘠以差其政則人安其沃瘠而不移衰差也音楚危反

正旅舊則民不

惰

國之軍旅正之以從舊貫則稟令而不惰

山澤各以其時至則民不苟

苟謂

非時入山澤也

陵陸丘井田疇均則民不惑無奪民時則百姓

富犧牲不勞則牛馬育

過用謂之勞

桓公又問曰寡人欲修

政以干時於天下其可乎

干求也時時見曰會欲求天下諸侯修時見之會

管

子對曰可公曰安始而可管子對曰始於愛民公曰愛

民之道奈何管子對曰公修公族家修家族使相連以

事相及以祿則民相親矣

相連以事則人情狎相及以祿則恩情生故有親也

放

舊罪修舊宗立無後則民殖矣

放舊罪則全人命修舊宗則收散親立無後則

繼絕世故人殖殖生也

省刑罰薄賦斂則民富矣鄉建賢士使教

於國則民有禮矣出令不改則民正矣此愛民之道也

公曰民富而以親則可以使之乎管子對曰舉財長工

以止民用

工能積財舉而長之民則慕而不費用矣

陳力尚賢以勸民知

賢能

陳力而崇上之民
則勸而學知矣
加刑無苛以濟百姓行之無私則足

以容衆矣出言必信則令不窮矣此使民之道也桓公

曰民居定矣事已成矣吾欲從事於天下諸侯其可乎

欲從會事管子對曰未可民心未吾安公曰安之奈何管子

對曰修舊法擇其善者舉而嚴用之慈於民予無財無

財者當施與之寬政役敬百姓則國富而民安矣公曰民安矣

其可乎管仲對曰未可君若欲正卒伍修甲兵則大國

亦將正卒伍修甲兵君有征戰之事則小國諸侯之臣

有守圉之備矣然則難以速得意於天下公欲速得意

於天下諸侯則事有所隱而政有所寓

不顯習其兵事故曰事有所隱

軍政寓之田獵故曰政有所寓

公曰為之奈何管子對曰作內政而寓

軍令焉為高子之里為國子之里為公里三分齊國以

為三軍擇其賢民使為里君

每里皆使賢者為君

鄉有行伍卒長

則其制令且以田獵因以賞罰

因田獵之功過行賞罰

則百姓通

於軍事矣桓公曰善於是乎管子乃制五家以為軌軌

為之長十軌為里里有司四里為連連為之長十連為

鄉鄉有良人以為軍令是故五家為軌五人為伍軌長率之十軌為里故五十人為小戎里有司率之四里為連故二百人為卒連長率之十連為鄉故二千人為旅鄉良人率之五鄉一師故萬人一軍五鄉之師率之三軍故有中軍之鼓

中軍則公之里卒也

有高子之鼓有國子之鼓

春以田曰蒐振旅

因寓軍政而且整旅

秋以田曰獮治兵

順殺氣因治兵

是故卒伍政定於里軍旅政定於郊內教既成令不得遷徙故卒伍之人人與人相保家與家相愛少相居長

相游祭祀相福死喪相恤禍福相憂居處相樂行作相
和哭泣相哀是故夜戰其聲相聞足以無亂晝戰其目
相見足以相識驩欣足以相死是故以守則固以戰則
勝君有此教士三萬人以橫行於天下教士謂先
教習之士誅無

道以定周室天下大國之君莫之能圍也正月之朝鄉

長復事

復白也

公親問焉曰於子之鄉有居處為義好學

聰明質仁慈孝於父母長弟聞於鄉里者有則以告有
而不以告謂之蔽賢其罪五謂其罪當入於
五刑而定其罰有司已於

事而竣

既畢於上
事而竣退

公又問焉曰於子之鄉有拳勇股肱

之力筋骨秀出於衆者有則以告有而不以告謂之蔽

才其罪五有司已於事而竣公又問焉曰於子之鄉有

不慈孝於父母不長弟於鄉里驕躁淫暴不用上令者

有則以告有而不以告謂之下比

下與有罪者
比而掩蓋之

其罪五

有司已於事而竣於是乎鄉長退而修德進賢桓公親

見之遂使役之官

謂授之官而役之
所以歷試其材能

公令官長期而書

伐以告

伐功也

且令選官之賢者而復之曰有人居我官

有功休德維順端慤以待時使

以慤善待時待用之時而使之也

使民

恭敬以勸其稱秉言則足以補官之不善政

謂此人所稱柄之言

可以補不善之政

公宣問其鄉里而有考驗

宣遍也遍問其鄉里之人以考其所

行皆有考驗

乃召而與之坐省相其質以參其成功成事

既有

考驗召而與坐更省視其質體以參驗其所成功之事也

可立而時設問國家之患

而不肉

其人既可將立之又時設問國家之患以知智謀之深淺不直相其骨肉而已肉者所謂皮肉

也退而察問其鄉里以觀其所能而無大過登以為上

卿之佐

為卿大夫之佐

名之曰三選

名此人曰三大夫之選

高子國子退

而修鄉

朝事既畢二大夫又如前退修於鄉鮑叔在朝故不言

鄉退而修連連退

而修里里退而修軌軌退而修家是故匹夫有善故可

得而舉也匹夫有不善故可得而誅也政既成鄉不越

長朝不越爵罷士無伍

罷謂乏於德義者周禮所謂罷人

不義之衆恥以為伍也

女無家

罷女猶罷士衆恥娶之故無家

士三出妻逐於境外

三出妻所謂士也固

極二三其德為政者之所忌故逐於境外也

女三嫁入於春穀

三見出而嫁是不貞順者

也故入於春穀

是故民皆勉為善士與其為善於鄉不如為善

於里與其為善於里不如為善於家

家善則鄉善矣所謂居家治理可移

於官是故士莫敢言一朝之便皆有終歲之計莫敢以終

歲為議皆有終身之功

修政則人無苟止

正月之朝五屬大夫

復事於公擇其寡功者而譙之曰列地分民者若一何故獨寡功何以不及人教訓不善政事其不治一再則宥三則不赦公又問焉曰於子之屬有居處為義好學聰明質仁慈孝於父母長弟聞於鄉里者有則以告有而不以告謂之蔽賢其罪五有司已事而竣公又問焉曰於子之屬有拳勇股肱之力秀出於衆者有則以告

有而不以告謂之蔽才其罪五有司已事而竣公又問
焉曰於子之屬有不慈孝於父母不長弟於鄉里驕躁
淫暴不用上令者有則以告有而不以告者謂之下比
其罪五有司已事而竣於是乎五屬大夫退而修屬屬
退而修連連退而修鄉鄉退而修卒卒退而修邑邑退
而修家是故匹夫有善可得而舉匹夫有不善可得而
誅政成國安以守則固以戰則彊封內治百姓親可以
出征四方立一霸王矣

可謂一霸
王之功也

桓公曰卒伍定矣事

已成矣吾欲從事於諸侯其可乎管子對曰未可若軍
令則吾既寄諸內政矣夫齊國寡甲兵吾欲輕重罪而
移之於甲兵公曰為之奈何管子對曰制重罪入以兵

甲犀脅二戟輕罪入蘭盾鞞革二戟

蘭即所謂蘭錡兵
架也鞞革重革當

心著之可
以禦矢

小罪入以金鈞

三十金
曰鈞

分宥薄罪入以半鈞

分宥謂從坐者分
其首犯而寬宥之

無坐抑而訟獄者正三禁之而不直

則入一束矢以罰之

謂其人自無所坐而被抑屈為訟
者正當禁之三日得具不直者則

令入束
矢也

美金以鑄戈劔矛戟試諸狗馬惡金以鑄斤斧

鉏夷鋸掘試諸木土

夷鋤類也鋸掘鏝類也

桓公曰甲兵大足矣

吾欲從事於諸侯可乎管仲對曰未可治內者未具也

為外者未備也故使鮑叔牙為大諫

所以諫正君

王子城父

為將弦子旗為理

理獄官

甯戚為田

教以農事自此已上理內已下理外隰

隰

朋為行

行謂行人也所以通使諸侯

曹宿孫處楚商容處宋季勞處

魯徐開封處衛屢尚處燕審友處晉

今此諸賢各處諸侯之國者所以諷

動之令歸齊也

又游士八千人奉之以車馬衣裘多其資糧財

幣足之使出周游於四方以號召收求天下之賢士飾

玩好使出周游於四方鬻之諸侯以觀其上下之所貴

好擇其沈亂者而先政之

以政正也

公曰外內定矣可乎管

子對曰未可鄰國未吾親也公曰親之奈何管子對曰

審吾疆場反其侵地正其封界毋受其貨財而美為皮

幣以極聘類於諸侯

類見也

以安四鄰則鄰國親我矣桓

公曰甲兵大足矣吾欲南伐何主

謂以何國為征伐之主也

管子對

曰以魯為主反其侵地常潛

常潛地名

使海於有弊

或遇水災

池於海使有弊盡也

渠彌於河階

後教之穿渠彌亘於河階

綱山於有牢

教之立國

城必依山以為網紀而有牢固

桓公曰吾欲西伐何主管子對曰以衛

為主反其侵地古臺原姑與柒里

皆地名

使海於有弊渠

彌於有渚綱山於有牢桓公曰吾欲北伐何主管子對

曰以燕為主反其侵地柴夫吠狗

亦地名也

使海於有弊渠

彌於有渚綱山於有牢四鄰大親既反其侵地正其封

疆地南至於岱陰

謂岱山之北

西至於濟北至於海東至於紀

隨

紀隨地名

地方三百六十里三歲治定四歲教成五歲兵

出有教士三萬人革車八百乘諸侯多沈亂不服於天

子於是乎桓公東救徐州分吳半分吳地存魯蔡陵蔡陵

地割越地南據宋鄭既割越地又據宋鄭之國以為親援也征伐楚濟汝

水伐楚時渡汝水踰方地謂方城之地望文山楚山也使貢絲于周室

使貢楚絲即所謂縠絲者也堪為琴瑟絃成周反昨於隆嶽同室有事歸昨于齊齊太嶽之後故言隆嶽

荆州諸侯莫不來服中救晉公禽狄王敗胡貉

破屠何屠何東胡之先也而騎寇始服北狄以騎為寇北伐山戎制冷

支斬孤竹而九夷始聽海濱諸侯莫不來服西征攘白

狄之地遂至於西河謂龍門之西河方舟投柁乘桴濟河至于

石沈

石沈地名

縣車東馬踰大行與卑耳之貉拘秦夏

與卑耳之

貉共拘秦夏之不服者

西服流沙西虞

西虞國名

而秦戎始從故兵一

出而大功十二

自救徐州已下有十二也

故東夷西戎南蠻北狄中

諸侯國莫不賓服與諸侯飾牲為載書

書謂要盟之辭載之於策以

誓要于上下薦神

謂以上下之神祇為盟誓又以其牲薦之於神

然後率天下

定周室大朝諸侯於陽穀故兵車之會六乘車之會三

九合諸侯一匡天下甲不解壘兵不解翳

翳所以蔽兵謂魯盾之屬

不解甲於壘不解兵於翳言不用也

發無弓服無矢

發弓衣也無弓無矢亦言不用也寢

武事行文道以朝天子葵丘之會天子使大夫宰孔致

胙於桓公曰余一人之命有事於文武

有祭事於文王武王之廟也

使宰孔致胙且有後命曰以爾自卑勞

以爾自卑而勞弊

實謂

爾伯舅毋下拜桓公召管仲而謀管仲對曰為君不君

君命臣無下拜是不君也

為臣不臣

臣承命而不讓是不臣也

亂之本也桓公曰

余乘車之會三兵車之會六九合諸侯一匡天下北至

於孤竹山戎穢貉拘秦夏西至流沙西虞南至吳越巴

狎犴帳不庾雕題黑齒

皆南夷之國號也

荊夷之國莫違寡人

之命而中國卑我

中國之人不尊崇樂推使居臣位是卑我也

昔三代之受

命者其異於此乎管子對曰夫鳳皇鸞鳥不降而鷹隼

鷓臬豐庶神不格

庶神不至則未歆其祭享

守龜不兆

守龜國之守龜不兆謂不

以信誠告之

握粟而筮者屢中

長者不告而短者告是德之不至傳曰龜長筮短詩曰握

粟出

時雨甘露不降飄風暴雨數臻五穀不蕃六畜不

育而蓬蒿藜蘿

徒弔反

竝興夫鳳皇之文前德義後日昌

前包德義後有日昌明先德義乃可以日昌也

昔人之受命者龍龜假

假至也

河

出圖雉出書地出乘黃

乘黃神馬也坤利牝馬之貞故從地出若漢之渥洼神馬之比

今三祥未見有者

三祥謂龜龍圖書乘黃也

雖曰受命無乃失諸乎

桓公懼出見客曰天威不遠顔咫尺小白承天子之命

而毋下拜恐顛蹶於下以為天子羞遂下拜登受賞服

大路龍旗九游渠門赤旂

渠門旗名

天子致胙於桓公而不

受天下諸侯稱順焉桓公憂天下諸侯魯有夫人慶父

之亂而二君弑死

慶父通莊公夫人姜氏弑子般又弑閔公

國絕無後桓公

聞之使高子存之男女不淫

淫亂雜也

馬牛選具

選擇其善者以成具

凡欲以貢齊也

執玉以見請為關內之侯

請為齊關內之侯

而桓公不

使也狄人攻邢桓公築夷儀以封之男女不淫馬牛選

具執玉以見請為關內之侯而桓公不使也狄人攻衛

衛人出旅於曹

旅客也客居曹也

桓公城楚丘封之其畜以散

亡故桓公予之繫馬三百匹

謂馬在開廄繫養之言其良也

天下諸侯

稱仁焉於是天下之諸侯知桓公之為已勤也是以諸

侯之歸之也譬若市人桓公知諸侯之歸已也故使輕

其幣而重其禮故使天下諸侯以疲馬犬羊為幣

疲謂瘦也

齊以良馬報諸侯以縷帛布鹿皮四分以為幣

謂四分其鹿皮

齊以文錦虎豹皮報諸侯之使垂橐而入攜

丘粉反

載而

歸

垂橐言其空也攜收拾也

故鈞之以愛致之以利結之以信示之

以武是故天下小國諸侯既服桓公莫之敢倍而歸之

喜其愛而貪其利信其仁而畏其武桓公知天下小國

諸侯之多與已也於是又大施忠焉可為憂者為之憂

可為謀者為之謀可為動者為之動伐譚萊而不有也

諸侯稱仁焉通齊國之魚鹽東萊

自東萊通魚鹽於諸侯

使關市

幾而不正堰而不稅

幾察也察其姦非而不征稅

以為諸侯之利諸

侯稱寬焉築蔡鄢陵培夏靈父丘

皆邑名

以衛戎狄之地

所以禁暴於諸侯也築五鹿中牟鄴蓋與社丘以衛諸
夏之地所以示勸於中國也教大成是故天下之於桓
公遠國之民望如父母近國之民從如流水故行地滋
遠得人彌衆是何也懷其文而畏其武故殺無道定周
室天下莫之能圍武事立也定三革車馬人皆有革甲曰三革偃五
兵朝服以濟河而無怵惕焉謂乘車之會朝服濟河以與西諸侯盟也文事
勝也是故大國之君慙媿小國諸侯附比是故大國之

君事如臣僕小國諸侯驩如父母夫然故大國之君不

尊

不以國大
如其尊禮

小國諸侯不卑

不以國小
而卑其敬

是故大國之君

不驕小國諸侯不懼於是列廣地以益狹地損有財以

與無財周其君子不失成功

周給君子得其力
用故不失成功也

周其小

人不失成命

周給小人懷德而
歸故不失成命也

夫如是居處則順出則

有成功不稱動甲兵之事以遂文武之迹於天下

既以
朝服

濟河故不稱甲兵文德成也大
國畏威事如臣僕武功立也

桓公能假其羣臣之謀

以益其智也其相曰夷吾大夫曰甯戚隰朋甯牙無範

叔牙用此五子者何功

言何功而不成

度義光德繼法紹終以

遺後嗣貽孝昭穆大霸天下名聲廣裕不可掩也則唯

有明君在上察相在下也

初桓公郊迎管子而問焉管仲辭讓然後對以參國伍

鄙立五鄉以崇化建五屬以厲武寄兵於政因罰備器

械加兵無道諸侯以事周室桓公大說於是齊戒十日

將相管仲管仲曰斧鉞之人也幸以獲生以屬其晉領

屬綴連也

臣之祿也若知國政非臣之任也公曰子大夫受

政寡人勝任

言子受政而輔我我則勝君之任也

子大夫不受政寡人恐

崩管仲許諾再拜而受相三日公曰寡人有大邪三其

猶尚可以為國乎對曰臣未得聞公曰寡人不幸而好

田晦夜而至禽側

言風興晦夜之時已至禽之側畔也

田莫不見禽而後

反

其田必見禽多獲而後反諸侯使者無所致百官有司無所復

既專

於田故使者不得致命有司不得白事

對曰惡則惡矣然非其急者也公

曰寡人不幸而好酒日夜相繼諸侯使者無所致百官

有司無所復對曰惡則惡矣然非其急者也公曰寡人

有污行不幸而好色而姑姊有不嫁者對曰惡則惡矣

然非其急者也公作色曰此三者且可則惡有不可者

矣

此三者尚以為可豈更有不可於此者

對曰人君唯優與不敏為不可

優謂遠隨不斷

優則亡衆不敏不及事公曰善吾子就舍異日

請與吾子圖之對曰時可將與夷吾何待異日乎

可言之時

正與夷吾不可待他日

公曰奈何對曰公子舉為人博聞而知禮

好學而辭遜請使游於魯以結交焉公子開方為人巧轉而兌利請使游於衛以結交焉曹孫宿其為人也小

廉而苛快

音逝 苛密快習也 言多所慣習也

足恭而辭結

具辭能與人定交結

正

荆之則也

言此人立行正與荆俗同使之游荆必得其歡心上二人亦然

請使往游以

結交焉遂立行三使者而後退

使三使行出然後退

相三月請論

百官公曰諾管仲曰升降揖讓進退閒習辨辭之剛柔

臣不如隰朋請立為大行

大行大使之官

墾草入邑辟土聚粟

多衆盡地之利臣不如甯戚請立為大司田平原廣牧

廣遠可收之地

車不結轍士不旋踵鼓之而三軍之士視死如

歸臣不如王子城父請立為大司馬決獄折中不殺不

辜不誣無罪臣不如宿胥無請立為大司理犯君顏色
進諫必忠不辟死亡不撓富貴臣不如東郭牙請立以
為大諫之官此五子者夷吾一不如於五子各然而以
易夷吾夷吾不為也以五子之能易夷吾君若欲治國
彊兵則五子者存矣若欲霸王夷吾在此桓公曰善

王言第二十一闕

內言四

管子卷八

欽定四庫全書

管子卷九

唐 房玄齡 注

霸形第二十二

陳霸言
之形容

內言五

桓公在位管仲隰朋見立有間有貳鴻飛而過之桓公
歎曰仲父今彼鴻鵠有時而南有時而北有時而往有
時而來四方無遠所欲至而至焉非唯有羽翼之故是
以能通其意於天下乎管仲隰朋不對桓公曰二子何

故不對管子對曰君有霸王之心而夷吾非霸王之臣也是以不敢對桓公曰仲父胡為然蓋不當言寡人其

有鄉乎

何不陳當言令寡人有所歸向

寡人之有仲父也猶飛鴻之有

羽翼也若濟大水有舟楫也仲父不一言教寡人寡人

之有耳將安聞道而得度哉

言何以自度得至於霸王哉

管子對曰

君若將欲霸王舉大事乎則必從其本事矣桓公變躬遷席拱手而問曰敢問何謂其本管子對曰齊國百姓公之本也人甚憂飢而稅斂重人甚懼死而刑政險人

甚傷勞而上舉事不時公輕其稅斂則人不憂飢緩其

刑政則人不懼死舉事以時則人不傷勞桓公曰寡人

聞仲父之言此三者聞命矣不敢擅也將薦之先君不敢

專擅自發此命將進之宗廟告先君而後行所謂以神道設教者也於是令百官有司削

方墨筆方謂版牘也凡此欲書其所定令也明日皆朝於太廟之門朝定

令於百吏因朝廟而定百吏之令也使稅者百一鍾假令百石而取一鍾孤幼

不刑澤梁時縱放人入不設禁關譏而不征市書而不賦書謂錄其

名近者示之以忠信遠者示之以禮義行此數年而民

歸之如流水此其後宋伐杞狄伐邢衛桓公不救裸體

紉胃稱疾

紉猶摩也自摩其胃若有所痛患也

召管仲曰寡人有千歲之

食而無百歲之壽今有疾病姑樂乎管子曰諾於是令

之縣鍾磬之椽

干元反椽所以嚴飾之

陳歌舞竽瑟之樂日殺數

十牛者數旬羣臣進諫曰宋伐杞狄伐邢衛君不可不

救桓公曰寡人有千歲之食而無百歲之壽今又疾病

姑樂乎且彼非伐寡人之國也伐鄰國也子無事焉宋

已取杞狄已拔邢衛矣桓公起行筍虞之間管子從至

大鍾之西桓公南面而立管仲北鄉對之大鍾鳴桓公

視管仲曰樂夫仲父管子對曰此臣之所謂哀非樂也

臣聞之古者之言樂於鍾磬之間者不如此言脫於口

而令行乎天下脫出也游鍾磬之間而無四面兵革之憂

今君之事言脫於口令不得行於天下在鍾磬之間而

有四面兵革之憂此臣之所謂哀非樂也桓公曰善於

是伐鍾磬之縣伐謂斫也併歌舞之樂併除也宮中虛無人

不令人桓公曰寡人以伐鍾磬之縣併歌舞之樂矣請

問所始於國將為何行管子對曰宋伐杞狄伐邢衛而

君之不救也臣請以慶

以不救為是故慶之

臣聞之諸侯爭於疆

者勿與分於疆

若救三國是分於疆

今君何不定三君之處哉

三君

既失國當定其居處也

於是桓公曰諾因命以車百乘卒千人以

緣陵封杞車百乘卒千人以夷儀封邢車五百乘卒五

千人以楚丘封衛桓公曰寡人以定三君之居處矣今

又將何行管子對曰臣聞諸侯貪於利勿與分於利君

何不發虎豹之皮文錦以使諸侯令諸侯以縵帛鹿皮

報桓公曰諾於是虎豹皮文錦使諸侯諸侯以繆帛
鹿皮報則令固始行於天下矣此其後楚人攻宋鄭燒
燔燬焚鄭地使城壞者不得復築也屋之燒者不得復

葺也令其人有喪雌雄

失男女之偶

居室如鳥鼠處穴要宋

田夾塞兩川使水不得東流

楚人又遮取宋田夾兩川築堤而壅塞之故水不得

東流兩川蓋睢汴也

東山之西水深滅垝

垝敗牆也

四百里而後可出

也楚欲吞宋鄭而畏齊曰思人衆兵彊能害已者必齊
也於是乎楚王號令於國中曰寡人之所明於人君者

莫如桓公所賢於人臣者莫如管仲明其君而賢其臣

寡人願事之

既以其君臣為明賢政願事之

誰能為我交齊者寡人不

愛封侯之君焉於是楚國之賢士皆抱其重寶幣帛以

事齊桓公之左右無不受重寶幣帛者於是桓公召管

仲曰寡人聞之善人者人亦善之今楚王之善寡人一

甚矣寡人不善將拂於道

拂違也若不報善是違於道也

仲父何不

遂交楚哉管子對曰不可楚人攻宋鄭燒燔燬焚鄭地

使城壞者不得復築也屋之燒者不得復葺也令人有

喪雌雄居室如鳥鼠處穴要宋田夾塞兩川使水不得
東流東山之西水深滅垝四百里而後可田也楚欲吞

宋鄭思人衆兵彊而能害已者必齊也是欲以文克齊

以齊幣賂齊而齊自服故曰以文克齊

而以武取宋鄭也楚取宋鄭而不

知禁是失宋鄭也禁之則是又不信於楚也知失於內

兵困於外非善舉也桓公曰善然則若何管子對曰請

興兵而南存宋鄭而令曰無攻楚言與楚王遇冬會至

於遇上而以鄭城與宋水為請楚若許則是我以文令

也楚若不許則遂以武令馬桓公曰善於是遂興兵而南存宋鄭與楚王遇於召陵之上而令於遇上曰毋貯粟毋曲隄無擅廢適子無置妾以為妻因以鄭城與宋水為請於楚楚人不許遂退七十里而舍使軍人城鄭南之地立百代城焉

取其雖百代而無敢毀者也

曰自此而北至於

河者鄭自城之而楚不敢隳也東發宋田夾兩川使水復東流而楚不敢塞也遂南伐及踰方城濟於汝水望汶山

汶音岷岷山江水所從出

南致楚越之君而西伐秦北伐狄東

存晉公於南

自伐秦而遂存晉於晉之南故曰東存

北伐孤竹還存燕公

兵車之會六乘車之會三九合諸侯反位已霸修鍾磬

而復樂管子曰此臣之所謂樂也

霸言第二十三

謂此言足以成霸道

內言六

霸王之形象天則地

謂象天明則地義

化人易代

謂美教化移風俗

創

制天下

與之更始

等列諸侯

列爵惟五各得其宜

賓屬四海

賓禮四夷以恩屬之

時匡天下

時一會而正之

大國小之曲國正之彊國弱之重國

輕之亂國并之

并亂所以總其威權

暴王殘之侈其罪卑其列維

其民然後王之

其王之凶暴者則殘滅之於國殘其首罪卑其爵列維持其人衆

夫豐

國之謂霸

但自豐其國者霸也

兼正之國之謂王

兼能正他國者王

夫王

者有所獨明德共者不取也道同者不王也

夫能王天下者必有

獨見之明羣物之所不違若彼德與我共彼道與我同則不取而且不王

夫爭天下者以威

易危暴王之常也

若以兵威易彼危亂此固暴王之常也非霸王之道也

君人者

有道

有常道也

霸王者有時

必遇其時然後霸王

國修而鄰國無道霸

王之資也

我修而彼暴可以取亂侮亡故曰資也

夫國之存也鄰國有焉

雖存而國小弱必事鄰國以為安故曰鄰國有焉

國之亡也鄰國有焉

因其亡而取之

鄰國有事鄰國得焉

鄰國有征伐之事因而敗績故鄰國得焉

鄰國有事鄰

國亾焉

或有征伐之事大勝而多獲遂亾鄰國

天下有事則聖王利也

必有

非常之事然後有非常之人

國危則聖人知矣

懷獨見之明故先知

夫先王所

以王者資鄰國之舉不當也

舉事皆當則我無因為功

舉而不當此

鄰敵之所以得意也

不當所以資我故得意也

夫欲用天下之權者

必先布德諸侯

諸侯懷德而歸欲求無權其可得乎

是故先王有所取有

所與

所謂將欲取之必姑與之

有所誣有所信

所謂尺蠖之屈以求伸也

然後能

用天下之權

妙於前四事故能用天下之權

夫兵幸於權權幸於地

兵幸

在於有權權從在於得地幸猶勝也故諸侯之得地利者權從之失地利

者權去之夫爭天下者必先爭人人惟邦本明大數者得人

審小計者失人得天下之衆者王得其半者霸是故聖

王卑禮以下天下之賢而王之均分以鈞天下之衆而

臣之既王有地均分其祿用此以引天下之衆故可得而臣之也故貴為天子富有

天下而伐不謂貪者其大計存也得地均分可以臣彼地自利彼於我何貪

此其大計也以天下之財利天下之人以明威之振利天下之人遷

用天下之財於我無所減削更可以明威權之振所謂惠而不費者也合天下之權以遂

德之行結諸侯之親

合天下之權皆令在己權總則德遂德遂則親成也以姦佞

之罪刑天下之心

所謂懲一而勸百

因天下之威以廣明王之

伐

明天下所欲止而止之則明王之伐自廣

攻逆亂之國賞有功之勞封賢

聖之德明一人之行而百姓定矣

賞加一人而天下勸罰加一人而天下畏

故曰明一人之行而百姓定矣

夫先王取天下也術

非術則無以取天下也術乎

大德哉物利之謂也

術可以取天下故曰大德然術之所歸在於令物得利也

夫使

國常無患而名利並至者神聖也

神聖則多所感致

國在危亡

而能壽者明聖也

明聖則不失事機

是故先王之所師者神聖

也其所賞者明聖也

賞謂樂說也

夫一言而壽國

用其言故壽也

不

聽而國亡若此者大聖之言也夫明王之所輕者馬與

玉其所重者政與軍若失主不然輕與人政而重于人

馬輕于人軍而重與人玉重宮門之營而輕四竟之守

所以削也夫權者神聖之所資也獨明者天下之利器

也獨斷者微密之營壘也

謂獨斷可以自營而即定故曰營壘

此三者聖

人之所則也聖人畏微而愚人畏明

聖人能知吉凶之先見故曰畏微愚

人近火方知熱履水乃知寒故曰畏明也

聖人之憎惡也內愚人之憎惡也

外

聖人知心胃之姦謀故憎惡內
惡人兵在頸方懼故憎惡外也

聖人將動必知愚人

至危易辭

聖人之動必聞知愚者至危不知禍之將
至尚有慢易之辭然後湯武之師起也

聖

人能輔時不能違時

聖人能因時來輔成其事不能違
時而立功不有桀紂之暴則無湯

武之功

知者善謀不如當時精時者日少而功多夫謀無

主則困事無備則廢是以聖王務具其備而慎守其時

以備待時以時興事時至而舉兵絕堅而攻國

其兵超絕而又

堅利故能攻國

破大而制地大本而小標

標末也本大而末小則難崩

坐近

而攻遠

所全之地近故能攻遠而有
歸若高先之有闕中河內也

以大牽小以彊使

弱以衆致寡德利百姓威振天下令行諸侯而不拂近

無不服遠無不聽夫明王為天下正理也

修正理而動故能成天下

之功也

按彊助弱

按抑也

圍暴止貪存亾定危繼絕世此天

下之所載也

德義如此故為天下所載

諸侯之所與也

與親也

百姓之

所利也是故天下王之

天下樂推以為王

知蓋天下繼最一世

其繼敗績亾能成天下之功也

材振四海王之佐也千乘之國得其守

諸侯可得而臣天下可得而有也萬乘之國失其守國

非其國也天下皆理已獨亂國非其國也諸侯皆令

皆從

霸者之已獨孤國非其國也鄰國皆險已獨易易平易不

守禦之國非其國也此三者亡國之徵也夫國大而政

小者國從其政小政賊國故國小而政大者國益大政大

開國故國益大大而不為者復小大而不為則疆而不理者復

弱疆而不理則綱衆而不理者復寡衆而不理則貴而

無禮者復賤貴而無禮則位重而凌節者復輕重而凌

喪故復輕富而驕肆者復貧富而驕肆則財故觀國者觀君

君為化觀軍者觀將將為觀備者觀野野有障塞其君如

明而非明也

外明而內暗

其將如賢而非賢也

外賢而內愚

其人

如耕者而非耕也

雖耕而鹵莽

三守既失國非其國也

三守謂明

賢耕既失謂是而非

地大而不為命曰土滿

謂土廣而功狹也

人衆而不

理命曰人滿

謂人多而政少

兵威而不止命曰武滿

所謂亢之為言也知

進而不退也

三滿而不止國非其國也

三滿不止敗亾立至

地大而不

耕非其地也

地大不耕則無所獲

卿貴而不臣非其卿也

卿貴不臣化為

敵也謂卿大夫

人衆而不親非其人也

人衆不親欲亾者也

夫無土而欲

富者憂

無土欲富猶緣木而求魚故憂也

無德而欲王者危

無德而王猶欲進而

却行却行施薄而求厚者孤施薄求厚人必不應故孤夫上夾而下苴苴

襄也上既狹國小而都大者弑此二者常有篡弑之禍主尊臣卑

上威下敬令人服理之至也使天下兩天子天下不

可理也一國而兩君一國不可理也一家而兩父一家

不可理也凡此所謂兩權必爭亂之本也夫令不高不行不搏不聽搏

也君命不高不聚而聽之堯舜之人非生而理也化之桀紂之人非

生而亂也效之故理亂在上也夫霸王之所始也以人

為本本理則國固本亂則國危故上明則下敬政平則

人安士教和則兵勝敵使能則百事理親仁則上不危

任賢則諸侯服霸王之形

說霸王之形容

德義勝之智謀勝之

兵戰勝之地形勝之動作勝之故王之

有此五勝故可以王

夫善

用國者因其大國之重以其勢小之因疆國之權以其

勢弱之因重國之形以其勢輕之

凡大疆重皆國之盈盛者也然盛者有時

而衰盈者有時而息故因其衰息之勢大者小之疆者弱之重者輕之

疆國衆合疆以攻

弱以圖霸

謂時疆國衆多吾國雖疆亦可圖霸

疆國少合小以攻大以圖

王

謂時疆國既少我則合衆聚小以攻疆大之國如此者可以圖王

疆國衆而言王勢

者愚人之智也

非言王之時

疆國少而施霸道者敗事之謀

也

非施霸之時

夫神聖視天下之形知動靜之時視先後之

稱知禍福之門疆國衆先舉者危後舉者利

疆國衆先舉必為疆

者所同故危

疆國少先舉者王後舉者亡戰國衆後舉可以

霸戰國少先舉可以王夫王者之心方而不最

心雖方直未為

其列不讓賢

雖列爵位不讓賢俊

賢不齒弟擇衆

雖稱為賢無優劣齒弟又非選

衆而舉也 是貪大物也

大物謂大實之位有此數者是定是貪大位之利而無得位之實也

是

以王之形大也

不可以小數得

夫先王之爭天下也以方心

方

而最故可以爭天下也

其立之也以整齊

整而齊之故可立也

其理之也以

平易

平而易之故可理

立政出令用人道

政令須合人心

施爵祿用地

道

地道平而無私

舉大事用天道

心應天時然後可以舉大事

是故先王之

伐也伐逆不伐順伐險不伐易伐過不伐及

伐其太過者

四

封之內以正使之

以正使之則人無怨

諸侯之會以權致之

以權致之

則不敢不來

近而不服者以地患之

侵削其地則自服

遠而不聽者

以刑危之

興師以征之

一而伐之武也

守一不移興師伐之此其武也

服而

舍之文也

既服舍之綏之以德此其文也

文武具滿德也

唯文武諸功可以滿其德

夫輕重疆弱之形諸侯合則疆孤則弱驥之材而百馬

伐之驥必罷矣疆最一伐而天下共之國必弱矣疆國

得之也以收小其失之也以恃疆小國得之也以制節

制度合節故得其失之也以離疆離疆則乖節者也故失夫國小大有謀

疆弱有形服近而疆遠謂用疆兵威遠國故曰疆遠王國之形也合

小以攻大敵國之形也以負海攻負海謂以蠻夷攻蠻夷蠻夷負海以

為國故曰負海中國之形也折節事疆以避罪小國之形也自

古以至今未嘗有先能作難違時易形以立功名者無

有此言無有此事常先作難違時易形無不敗者也夫欲臣伐

君以臣伐君若湯武之於桀紂也正四海者不可以兵獨攻而取也謂當

兼下必先定謀慮便地形利權稱親與國視時而動王

者之術也夫先王之伐也舉之必義用之必暴其用師必加於

亂相形而知可謂相其亂亡之形量力而知攻攻得而知時是

故先王之伐也必先戰而後攻先攻而後取地故善攻

者料衆以攻衆量我衆寡可敵彼衆然後攻餘倣此料食以攻食料備以

攻備以衆攻衆衆存不攻彼衆存則我不攻能亡之故不攻以食攻食食

存不攻以備攻備備存不攻釋實而攻虛

知其實而避之

釋堅

而攻脆釋難而攻易夫搏國不在敦古

在於合今時之宜搏聚也

理

世不在善攻

在於權宜

霸王不在成曲

在於全體

夫舉失而國

危刑過而權倒

刑罰過理則權柄倒錯

謀易而禍反

謀事數易禍必反來

計

得而彊信

音中

功得而名從權重而令行固其數也

數猶理也

夫爭彊之國必先爭謀爭刑爭權

先此三爭然後爭彊

令人主一

喜一怒者謀也

謀得則喜謀失則怒

令國一輕一重者刑也

怒刑則重

喜刑則輕

令兵一進一退者權也

權重則進權輕則退

故精於謀則人

主之願可得而令可行也精於刑則大國之地可奪疆國之兵可圍也精於權則天下之兵可齊諸侯之君可朝也夫神聖視天下之刑知世之所謀知兵之所攻知地之所歸知令之所加矣夫兵攻所憎而利之此鄰國之所不親也

兵攻所憎之國而以攻得為利德義不施鄰國必怨而不親

權動所惡

而實寡歸者疆

其威權既動移所惡而德義之實少為人所歸如此但疆而已不能至霸王也

擅破一國疆在後世者王

今能專破一國常守其疆傳之後世如此者王也

擅

破一國疆在鄰國者亡

既破一國不能守疆令鄰國得之如此者亡也

問第二十四

謂為國所當察問者

內言七

凡立朝廷問有本紀

所問之事必有根本綱紀

爵授有德則大臣興

義祿予有功則士輕死節上帥士以人之所戴則上下

和

上帥其士所為者皆人之所戴仰故上下和

授事以能則人上功

有能然後得事

故人上功

審刑當罪則人不易訟

易猶交也所刑皆當其罪故人不交相訟無亂

社稷宗廟則人有所宗

社稷宗廟各得其正則人知所宗

毋遺老忘親

則大臣不怨

大臣非國老則君親令不遺忘故不怨

舉知人急則眾不亂

行此道也

急謂困難也舉困難之事以示人則人不復行此道

國有常經人知終

始此霸王之術也

國有常經別人知終始之所歸如此者霸王之術也

然後問事

事先大功

先問大功則勞臣悅

政自小始

為政先小從微而至著

問死事之

孤其未有田宅者有乎

未有則給與之死事孤謂死王事之子孫

問少壯而

未勝甲兵者幾何人

知其數則預有所準

問死事之寡其餼廩何

如寡謂其妻餼廩言給其餼如廉餼生食廉米粟之屬

問國之有功大者何官之

吏也

問何官之吏欲知其材之所當

問州之大夫也何里之士也

問何州里

欲知其風俗所好尚

今吏亦何以明之矣

問吏所明欲知其優賞厚薄

問刑論

有常以行不可改也今其事之久留也何若

罪既論決國有常科

當奉而行之此不可改易者
也今乃久留其事將如之何
問五官有度制官都其有

常斷今事之稽也何待

官都謂總攝諸司者也五官既各有制度官都復自有常斷今

乃稽其事而不
行將何待乎

問獨夫寡婦孤寡疾病者幾何人也

知其

人教常有

所康餼 問國之棄人何族之子弟也

棄人謂有過不齒投之四裔者

也問知其族
欲有所收也

問鄉之良家其所牧養者幾何人矣

良家謂善

營生以致富者牧養謂其人不能自存良
家全活之知其所養之數欲有所復除也

問邑之貧人

債而食者幾何家

債而食謂從富者出息以供食知其家數欲有所矜免也

問理園

圃而食者幾何家人之開田而耕者幾何家士之身耕

者幾何家問鄉之貧人何族之別也

知從何族而別或從公族當有所收

恤也問宗子之收昆弟者以貧從昆弟者幾何家

以貧故從昆弟

以求養者與之從者各有幾家也

餘子仕而有田邑今入者幾何人

謂收

入其稅者子弟以孝聞於鄉里者幾何人餘子父母存不養

而出離者幾何人

出離謂父母在分居者

士之有田而不使者幾

何人吏惡何事

不使謂不用其吏不惡此等當惡何事

士之有田而不耕

者幾何人身何事

既不耕此人身為何事

君臣有位而未有田者

幾何人外人之來從而未有田宅者幾何家國子弟之

游于外者幾何人貧士之受責於大夫者幾何人

無資士

而被大夫責者有幾人

官賤行書身士以家臣自代者幾何人

其人

居官乃賤自行文書身任士職輒以家臣自代亦須知其數也

官承吏之無田餼而徒

理事者幾何人

承吏謂攝官無餼而空理事

羣臣有位事官大夫者

幾何人

羣臣自有位事乃左官於大夫

外人來游在大夫之家者幾何

人

外人謂外國人

鄉子弟力田為人率者幾何人

既自力田又能率人

國

子弟之無上事衣食不節率子弟不田弋獵者幾何人

既無上事乃率子弟不田農但弋獵

男女不整齊亂鄉子弟者有乎

謂不以禮

交者問人之貸粟米有別券者幾何家別券謂分契也問國之伏

利其可應人之急者幾何所也伏利謂貨利隱蔽不見若銅銀山及溝瀆可決

而溉灌者人之所害於鄉里者何物也人之為害者害何物問士之有

田宅身在陳列者幾何人餘子之勝甲兵有行伍者幾

何人問男女有巧伎能利備用者幾何人能利備器之用處女

操工事者幾何人能操女工之事謂綺繡之屬也冗國所開口而食者

幾何人言其不農作直開口仰食問一民有幾年之食也問兵車之

計幾何乘也牽家馬輓家車者幾何乘牽家馬言直有馬輓家車言直

有車相配
以成乘

處士修行足以教人可使帥衆莅百姓者幾

何人士之急難可使者幾何人

謂士之可以
急難使者

工之巧出

足以利軍伍處可以修城郭補守備者幾何人

其人既
有技巧

出用則能利軍居處
則可以修城補備也

城粟軍糧其可以行幾何年也

由

經也城粟謂守城之粟軍糧
謂出軍之糧二者可經幾年

吏之急難可使者幾何人

大夫疏器

疏謂飾
畫也

甲兵兵車旌旗鼓鏡帷幕帥車之載

幾何乘

載謂具
車蓋

疏藏器

疏畫而可
以藏者

弓弩之張

弓弩之可
以張者

衣夾鉢

鉢兩刃鉢也衣
夾謂其衣也

鈎弦之造

鈎弦所
以挽弦

戈戟之緊

緊
謂

其堅

其厲何若

其淬厲可用何如

其宜修而不修者故何視

此視

也其器物宜修者於故物何比

而造修之官出器處器之具宜起而未

起者何待

出器謂可出用之器處器謂貯庫而為備者起謂其材所經日月可起用者也

鄉師

車輜造修之具其繕何若

輜謂車之有防敵可以重載者

工尹伐材用

毋於三時羣材乃植而造器定冬完良備用必足

工尹工官

之長三時謂春夏秋此時木方生植不堅故不可伐材其伐材必以冬也

人有餘兵詭陳之

行以慎國常

方戰有餘兵不用且詭而陳之以為行伍當慎而聽命遵國之常令也

時簡

稽帥馬牛之肥腩其老而死者皆舉之

軍之統帥常時簡選稽考之以

知其能不而有無所至於馬牛肥腓
及老而死者皆舉之以知其數也

其就山藪林澤食

薦者幾何

薦草之美者

出入死生之會幾何

會謂合其數

若夫城

郭之厚薄溝壑之淺深門閭之尊卑宜修而不修者上

必幾之

幾察也君必察知之

守備之伍器物不失其具淫雨而各

有處藏

器物遇雨不藏必致腐敗故當有藏處

問兵官之吏國之豪士其

急難足以先後者幾何人

官吏國豪有急難可令之先後者當知其數相導前後曰

先後詩曰予曰有先後

夫兵事者危物也不時而勝不義而得未

為福也

必合於時義然後為福

失謀而敗國之危也慎謀乃保國

問所以教選人者何事

其教人及選人者問以何事欲知其勤且觀其材用也

問

執官都者其位事幾何年矣

執官都之職者問其官位及執事并建立之年數

所辟草萊有益於家邑者幾何矣所封表以益人之生

利者何物也

謂其事業最可以益人者遂封表以示之問知是何物也

所築城郭修

牆閉絕通道阨闕深防溝以益人之地守者何所也

牆閉

謂築牆有所遮閉雖通路而為防礙者絕塞之阨闕空之處亦當絕之凡此守地者所以省其功費故曰益地

守所捕盜賊除人害者幾何矣

制地君曰理國之道地德為首

當制地之時君為此言故言曰法地以為政故

曰地德
為首

君臣之禮

地有高下君臣之禮也

父子之親

高地下覆下地上承父子

之親也

覆育萬人

百貨出於地人得以生焉故曰覆育萬人

官府之藏彊兵保

國城郭之險外應四極

四極謂國之四鄙也自官府已下非地則無所容居

具取

之地

凡此皆因地而成故曰具取之地

而市者天地之財具也

求天地之財不

登山不入海於市求而得之故曰天地之財具

而萬人之所和而利也

和謂交易也萬

人因市交易而得利

正是道也

言市正合道之理

民荒無苛人盡地之職

一保其國

欲理荒人無得苛虐但使盡地之職自然齊一而保國也

各主異位毋使

讒人亂普而德營九軍之親

自君以下其位既異當各主之無使讒人交亂普廢

其德如此則九軍之親自營也關者諸侯之陬隧也謂陬隅之道也而外財之

門戶也

他國之財因之而入

萬人之道行也

謂因此出入

明道以重告

之

當明道路之令再重而告之

征於關者勿征於市

征於關謂行商

征於市

者勿征於關

征於市謂坐賈

虛車無索

索虛車益其煩擾

徒負勿入

徒負

貨既寡故勿令入其征

以來遠人

關征如此可

十六道同

齊國凡有十六

道皆置關並同此令

身外事謹則聽其名

謂出入於關者身之外事既謹而從令皆當聽

其名之虛偽也

視其名視其色

既知其名又須視其色之是非

是其事稽其德

既知其色又須是正其事以考合其德也

以觀其外

既知其德又觀其外以校量之則無敦

於權人以困貌德

敦猶厚也。校察如此則權詐之人無以成其厚。校察行則困辱非因而

不生故曰以困貌德

國則不惑行之職也

國無姦人所以不惑凡此掌行者之職

問

於邊吏曰小利害信小怒傷義邊信傷德

邊人失信故傷德也

厚

和構四國以順貌德

敦厚而和可以構結四國四國之來皆以誠信故曰以順貌德

后

鄉四極

既結四國然後向四極而撫安之

令守法之官日行

又令守法之官日行

邊鄙無關塞

度必明失經常

其巡行之時必明其制度無得失於經常


謀失第二十五

闕

內言八

熒

而悅反



管子卷九

欽定四庫全書

子部
管子卷
十五
十二

詳校官中書臣徐志晉

編修臣倉聖脈覆勛

總校官進士臣楊懋珩

校對官中書臣李棻

謄錄舉人臣官懋弼

欽定四庫全書

管子卷十

唐房玄齡注

戒第二十六

所以陳戒桓公

內言九

桓公將東游問於管仲曰我游猶軸轉斛

言我之游必有所濟猶軸

之轉載斛石

南至琅邪司馬曰亦先王之游已何謂也

春游而南

行故司馬正令之為先王之游公未達其意故問管仲

管仲對曰先王之游也春

出原農事之不本者謂之游

原察也農事不依本務當原察之

秋出補

人之不足者謂之夕

秋謂西成尚有不足者當補之

夫師行而糧食其

民者謂之亡

師行無成功空費糧食如此者必亡

從樂而不反者謂之荒

先王有游夕之業於人無荒亡之行於身桓公退再拜

命曰寶法也

謂其法可寶也

管仲復於桓公曰無翼而飛者聲

也

出言門庭千里必應故曰無翼而飛

無根而固者情也

同舟而濟胡越

情也故曰無根而固

無方而富者生也

生全則萬方輻湊生盡則鴻毛不振故曰無方而富

也莫知生所在故曰無方也

公亦固情謹聲以嚴尊生

言當固物情謹聲教嚴為

防禦以此謂道之榮

道而光榮

謂此三者順

桓公退再拜請若此

言若順也管仲復於桓公曰任之重者莫如身萬事萬行非身不舉

故曰重任塗之畏者莫如口桓機之發榮辱之主故可畏也期而遠者莫如

年殤天日開期願實寡故曰遠期也以重任行畏塗至遠期唯君子乃

能矣桓公退再拜之曰夫子數以此言者教寡人管仲

對曰滋味動靜生之養也好惡喜怒哀樂生之變也聰

明當物生之德也非禮勿視聽故曰當物是故聖人齊滋味而時

動靜所以養其生御正六氣之變所以循其變也六氣即好惡喜怒哀樂禁止

聲色之淫所以成其德邪行亡乎體違言不存口體無邪行口言必順

靜然定生聖也

欲靜則生定如此者聖也

仁從中出義從外作

仁自心生

故曰中出義因事斷故曰外作

仁故不以天下為利義故不以天下為

名

若以天下為名利則非仁義也

仁故不代王

不以道輔君而代之王者非仁也

義故

七十而致政

老而不致政貪冒者耳非義也

是故聖人上德而下功尊

道而賤物

物謂名利之事

道德當身故不以物惑

身苟有道德豈名利之物

能惑哉

是故身在草茅之中而無懼意

道德為量何懼之有

南面聽

天下而無驕色

神器僕來何驕之有

如此而後可以為天下王所

以謂德者不動而疾

德必冥通故不動而疾

不相告而知

不出戶牖以知

天不為而成無為而不為不召而至是德也同聲相應同氣相求如此者可

謂至德也故天不動四時云下而萬物化天常無為故曰不動然四時云下故

萬物化云君不動政令陳下而萬功成君亦常無為故曰不動然政令

陳列而下故心不動使四肢耳目而萬物情心亦當無為故曰不

動然四肢耳目自心使寡交多親謂之知人以其知人故能交寡

而親寡事成功謂之知用以其知用故能聞一言以貫

萬物謂之知道以其知道故能聞多言而不當不如其

寡也故曰狗不以善吠為良人不多言為賢博學而不自反必有邪博學而不

反修於其身心曼
行者故必有邪行

孝弟者仁之祖也

仁從孝弟生故為仁祖

忠信

者交之慶也

有忠信之心故能慶交友之善

內不考孝弟

言不仁

外不正

忠信

言不友

澤其四經而誦學者是亡其身者也

四經謂詩書禮

樂既無孝弟忠信空使四經流澤徒為誦學者即四經可以亡身也

桓公明日弋在廩

廩所

以盛米粟禽鳥或多集馬故於此弋也

管仲隰朋朝公望二子施弓脫鈎

鈎所以杆弦

而迎之曰今夫鴻鵠春北而秋南而不失其時

夫唯有羽翼以通其意於天下乎今孤之不得意於天

下非皆二子之憂也

二子不能為羽翼所以當憂

桓公再言二子不

對桓公曰孤既言矣二子何不對乎管仲對曰今夫人

患勞而上使不時人患飢而上重斂焉人患死而上急

刑焉如此而又近有色親治而遠有德疎賢雖鴻鵠之

有翼濟大水之有舟楫也其將若君何不飛雖羽翼無益不濟雖舟楫

徒施不聽雖謹言空設故曰其將若君何桓公蹙然遂遁管仲曰昔先王之

理人也蓋人有患勞而上使之以時則人不患勞也人

患飢而上薄斂焉則人不患飢矣人患死而上寬刑焉則

人不患死矣如此而近有德而遠有色則四封之內視君

其猶父母邪四方之外歸君其猶流水乎公輟射援綏

而乘自御管仲為左隰朋參乘朔月三日進二子於里

官里官謂里尉也齊國之法舉賢必自里尉始故令里官進二子將旌別而用之再拜頓首曰

孤之聞二子之言也耳加聽而視加明於孤不敢獨聽

之薦之先祖謂陳其所言以薦祖廟管仲隰朋再拜頓首曰如君

之王也君能如此可以王也此非臣之言也君之教也此雖臣言必君用之

然後成教故曰君之教於是管仲與桓公盟誓為令曰老弱勿刑

參宥而後斲老弱犯罪者無即刑之必三宥而後斲罪三宥即周禮三宥一曰不識二曰過悞

三曰悖
耄也

關幾而不正市正而不布

布謂錢也即其物
而正之不必分錢山

林梁澤以時禁發而不正也

獺祭魚然後入澤梁
豺祭獸然後入山林

草封

澤鹽者之歸之也譬若市人

草封澤謂澤多草刈積成
封可用煮鹽者也其處既

多鹽故歸者譬若
市人言不設禁也

三年教人四年選賢以為長五年始

興車踐乘遂南伐楚門傳施城

施城楚城名
謂附至其下

北伐山戎

出冬蔥與戎菽布之天下

山戎有冬蔥戎菽今伐之
故其物布天下戎菽胡豆

果

三匡天子而九合諸侯

桓公外舍而不鼎饋

外舍謂出宿於外不以
非饋食言其饌不盛也

中婦諸子

謂宮人盍不出從乎君將有行

中婦之子內官之號君將有行何不出乎盍何

不也宮人皆出從公怒曰孰謂我有行者宮人曰賤妾聞

之中婦諸子公召中婦諸子曰女馬聞吾有行也對曰

妾人聞之君外舍而不鼎饋非有內憂也妾是以知君之將有行

外舍而不鼎饋君非有內憂也妾是以知君之將有行

也公曰善此非吾所與女及也而言乃至焉

言我本不與汝及此

謀今汝言乃能至於此謂能知我謀也

吾是以語女吾欲致諸侯而不至

為之奈何

我欲諸侯之至而不至今欲令其至如何乎

中婦諸子曰自妾之

身之不為人持接也

為猶與也言妾身在深宮之中未嘗得出與人相持而接對

未

嘗得人之布織也意者更容不審耶

宮中既少織絀之事又不得外人之

布織言此者既昧於人事不當訪以軍謀蓋記不知以止君之行也故言更當容我思其不審之事

明日

管仲朝公告之管仲曰此聖人之言也君必行也

謂中婦諸

子止君不行此合聖人之言也令君行之

管仲寢疾桓公往問之曰仲父之疾甚矣若不可諱也

不幸而不起此疾彼政我將安移之管仲未對桓公曰

鮑叔之為人何如管仲對曰鮑叔君子也干乘之國不

以其道予之不受也

雖與千乘之國不以其道彼必不受

雖然不可以為

政其為人也好善而惡惡已甚

已猶太也言憎惡惡人太甚

見一惡

終身不忘桓公曰然則孰可管仲對曰隰朋可朋之為

人好上識而下問

好上識謂好知遠大之事

臣聞之以德予人者謂

之仁以財予人者謂之良以善勝人者未有能服人者

也

以善勝人人亦生勝己之心故不服

以善養人者未有不服人者也於

國有所不知政於家有所不知事必則朋乎

若皆知之則事鍾於

已將不勝任而敗朋能有所不知故可以移政

且朋之為人也居其家不忘公

門居公門不忘其家事君不二其心亦不忘其身舉齊國之幣握路家五十室其人不知也大仁也哉其朋乎

握持也或有舉齊國之幣持與路旁之家五十室言其事大而且易顯此皆自有主司朋能不干預而強知此所謂於國有所不知政合於天地之無不容載故曰大仁哉其朋乎已

公又問曰不幸而

失仲父也二三大夫者其猶能以國寧乎管仲對曰君

請矍已乎

矍已謂有所驚懼而問未止也

鮑叔牙之為人也好直實昏

無之為人也好善寧戚之為也能事孫在之為人也

善言公曰此四子者其孰能一人之上也寡人并而臣

之則其不以國寧何也

言四子皆有超絕之材無人能過其上今吾併得臣之國尚不

寧何也

對曰鮑叔之為人好直而不能以國誣

不能為國以屈其直

也

賓胥無之為人也好善而不能以國誣寗戚之為人能

事而不能以足息

寗戚善於農植貪於積聚不能知足而息也

孫在之為人

善言而不能以信默

其所陳言既見信用尚不能默凡此四子皆矜能太過不能與時屈

伸故國不寧也

臣聞之消息盈虛與百姓誣信然後以國寧勿

已者朋其可乎朋之為人也動必量力舉必量技言終

喟然而歎曰天之生朋以為夷吾舌也其身死舌焉得

生哉

言朋亦將隨已早亡不得久理齊政故哀歎也以先知未然夷吾所以稱聖也

管仲曰夫

江黃之國近於楚為臣死乎

二國既近於楚必臣於楚豈為齊臣而死乎

君

必歸之楚而寄之

以二國歸楚若寄託然則楚不得為私而齊猶有望

君不歸楚

必私之私之而不救也則不可救之則亂自此始矣

楚既

私二國二國有難齊必不救一為不救則不可救此救彼不臣則構怨矣故曰亂自此始

桓公曰諾

管仲又言曰東郭有狗噉噉旦暮欲齧我豕而不使也

今夫易牙子之不能愛將安能愛君君必去之公曰諾

東郭之狗喻易牙言其人殘忍同於狗矣豕謂以木連狗取聲為義即國家也言易牙終能亡國滅家此不當

使必須去之也

管子又言曰北郭有狗嗷嗷旦暮欲齧我豨而不

使也今夫豎刁其身之不愛焉能愛君君必去之公

曰諾管子又言曰西郭有狗嗷嗷旦暮欲齧我豨而不

使也今夫衛公子開方去其千乘之太子而臣事君是

所願也得於君者是將欲過其千乘也

開方在衛當嗣君之位今棄而

事齊則所望不只千乘也其意必得齊國然後稱所望也

君必去之桓公曰諾管子

遂卒卒十月隰朋亦卒桓公去易牙豎刁衛公子開方

五味不至於是乎復反易牙宮中亂復反豎刁利言卑

辭不在側復反衛公子開方桓公內不量力外不量交
而力伐四鄰公薨六子皆求立易牙與衛公子內與豎
刁因共殺羣吏而立公子無虧故公死七日不斂九月
不葬孝公葬宋襄公率諸侯以伐齊戰于甌大敗齊
師殺公子無虧立孝公而還襄公立十三年桓公立四
十二年

地圖第二十七

短語一

凡兵主者必先審知地圖輻輳之險

謂路形若輳而又
輳曲緹氏東南有

輟轅道是也

濫車之水

其水深渺能泛車

名山通谷經川

謂常川也陵陸

丘阜之所在苴草林木蒲葦之所茂

苴草謂其草深茂能有所覆藏

道

里之遠近城郭之大小名邑廢邑困殖之地

困謂其地堽塉不可

種藝殖謂壤田可播殖者也

必盡知之

凡此皆兵主所當知

地形之出入相錯

者盡藏之

藏謂苞蘊在心

然後可以行軍襲邑舉錯知先後不

失地利此地圖之常也人之衆寡士之精麤器之功苦

盡知之此乃知形者也

形謂兵之形

知形不如知能知能不

如如意故主兵必參具者也主明相知將能之謂參具

明智能三者合
故謂之參具

故將出令發士期有日數矣宿定所征

伐之國

宿猶先也

使羣臣大吏父兄便辟左右不能議成敗

人主之任也

事之成敗明王獨斷於心故其臣不能議

論功勞行賞罰不敢

蔽賢

不敢蔽隱賢能

有私行用貨財供給軍之求索

言相室或用私財供

軍所求若實嬰李牧之為也

使百吏肅敬不敢解怠行邪以待君之

令相室之任也繕器械選練士為教服

設教令使士服習

連什

伍

使其什伍各相鈞連有所統屬

徧知天下審御機數此兵主之事也

參患第二十八

太彊亦有患太弱亦有患必參詳彊弱之中自致於無患也

短語二

凡人主者猛毅則伐懦弱則殺猛毅者何也輕誅殺人
之謂猛毅懦弱者何也重誅殺人之謂懦弱此皆有失
彼此凡輕誅者殺不辜而重誅者失有辜故上殺不辜
則道正者不安上失有罪則行邪者不變道正者不安
則才能之人去亡行邪者不變則羣臣朋黨才能之人
去亡則宜有外難能士去亡必構鄰羣臣朋黨則宜有
內亂羣臣朋黨則狗變為虎篡殺常因是生政有內亂也故曰猛毅者伐懦弱者
殺也君之所以卑尊國之所以安危者莫要於兵故誅

暴國必以兵禁辟民必以刑然則兵者外以誅暴內以

禁邪故兵者尊主安國之經也不可廢也若夫世主則

不然外不以兵而欲誅暴則地必虧矣

無兵誅暴暴必內侵故地虧

內不以刑而欲禁邪則國必亂矣

無刑禁邪邪必上侵故國亂故凡

用兵之計三驚當一至

驚謂權威示武能驚敵使懼如此者三可當師之一至敵國

三至當一軍

師之三至可當一軍之用

三軍當一戰

軍之三用可成一戰之功故

一期之師十年之蓄積殫

師行一期能盡十年之蓄積

一戰之費累

代之功盡

傾國一戰能盡累代之功

今交刃接兵而後利之則戰之

自勝者也

交刃接兵必卒喪刃折貨財空耗雖未被敵勝先已自勝

攻城圍邑主人

易子而食之折骸而爨之則攻之自拔者也

主人食子爨骸攻者

必智窮力竭財殫士喪城雖未攻先已自拔凡此皆庸主之師非善計者

是以聖人小征而

大匡不失天時不空地利用日維夢其數不出於計

征小

謂誅暴國大匡謂正天下既合天時又得地利用吉日襲吉夢其數從何而生皆出於計謀也

故計必

先定而兵出於竟計未定而兵出於竟則戰之自敗攻

之自毀者也得衆而不得其心則與獨行者同實

不得其心

則叛亡至故與獨行同實也

兵不完利與無操者同實甲不堅密與

倭者同實

倭謂無甲單衣者

弩不可以及遠與短兵同實射而

不能中與無矢者同實中而不能入與無鏃者同實將

徒人與倭者同實

徒人謂無兵甲者倭單也人雖衆無兵甲則與單人同也

短兵待

遠矢與坐而待死者同實

遠矢至短兵不能應則坐而受死也

故凡兵有

大論必先論其器論其士論其將論其主故曰器濫惡

不利者以其士予人也士不可用者以其將予人也將

不知兵者以其主予人也主不積務於兵者以其國予

人也故一器成往夫其而天下無戰心

一器謂師之器其器既成敢往

之夫又具則天下
不散生心與戰也

二器成驚夫具而天下無守城

二器謂軍

之器其器既成驚敵之夫又具則天下不敢守城而禦也

三器成游夫具而天下無

聚眾

三器謂一國之器其器既成游務之夫又具則天下之眾懼而自散也

所謂無戰心

者知戰必不勝故曰無戰心所謂無守城者知城必拔故曰無守城所謂無聚眾者知眾必散故曰無聚眾

制分第二十九

短語三

凡兵之所以先爭

謂欲用兵所當先而爭為者謂下事

聖人賢士不為愛

尊爵

有聖人賢士則以尊爵加之而不愛惜也

道術知能不為愛官職

有道術智

能則以官
職加之

巧伎勇力不為愛重祿聽耳目不為愛金

財故伯夷叔齊非於死之日而後有名也其前行多修

矣

由前行多修
故死後有名

武王非於甲子之朝而後勝也其前政

多善矣

由前政多善故甲
子之朝一戰大勝

故小征千里徧知之

小征謂
以諸侯

之衆有所征古者諸侯大國有五百里者今既
舉衆而征已國與敵國皆當知之故徧知千里

築堵之

牆十人之聚曰五間之

間謂私侯之假令築一堵之牆
或十人聚作主者猶曰五侯之

況戎事之大可
以不徧知哉

大征徧知天下

大征謂以天下之衆有
所征伐天子以天下為

家故徧知
天下也

日一間之散金財用聰明也

夫動衆當令主
者日一間侯之

其間候之也或散金財有所募賞或用聰明度其不虞也

故善用兵者無溝壘而有

耳目

溝壘防禦小耳目視聽遠

兵不呼傲不苟聚不妄行不強進呼

傲則敵人戒苟聚則眾不用

無事徒聚眾必不用若周幽之偽烽也

妄行

則羣卒困強進則銳士挫故凡用兵者攻堅則韌

韌牢固之

名也所攻既堅則韌而難入

乘瑕則神

瑕謂虛脆也所乘既脆結然瓦解故若神

攻堅則

瑕者堅

所攻雖堅能令脆者則以士卒堅強故也

乘瑕則堅者瑕

所乘雖脆却為堅者

則以士卒脆弱故也

故堅其堅者瑕其瑕者

謂強卒攻堅弱卒攻脆

屠牛坦

朝解九牛而刀可以莫鐵

莫猶削也

則刀游間也

刀游理間故刀不虧

故天道不行屈不足

用兵者必順天道若及天從人事

荒亂以十破百

敵國人事既荒且亂故十可破百

器備不行以半擊倍

敵國器備不可施行故此雖半可以擊彼之倍

故軍爭者不行於完城池

行謂先覘

之也欲以軍爭而行其城池彼則知而備之也

有道者不行於無君

覘彼無君亦恐知而

有故莫知其將至也

既不先覘以潛襲所以不知其將至

至而不可圍莫

知其將去也

不可圍者必潛而近故不知其將去楚幕有鳥之比

去而不可止敵

人雖衆不能止

去既不可止雖衆何能止

待治者所道富也治而未

必富也

有所待而治其道當然未必能富

必知富之事然後能富富者

所道強也而富未必強也

富者其道當強而未必能強也

必知強之數

然後能強強者所道勝也而強未必勝也必知勝之理

然後能勝勝者所道制也而勝未必制也必知制之分

然後能制是故治國有器富國有事強國有數勝國有

理制天下有分

君臣上第三十

短語四

為人君者修官上之道而不言其中

君在衆官之上但修此官上之道而

已至於官中之事則有司存非所言也

為人臣者比官中之事而不言其

外此謂校次之也若君道不明則受令者疑權度不一

則修義者惑民有疑惑貳豫之心而上不能匡則百姓

之與問間謂隔礙不通也人心有疑君不能正故其所與為多礙而不通也猶揭表而令

之止也揭舉也表謂以木為標有所告示也既使舉於表又令止之是亦不一也故以況人心之疑也

是故能象其道於國家加之於百姓而足以飾官化下

者明君也象法也謂能本道而立法能上盡言於主下致力於民而

足以修義從令者忠臣也上惠其道下敦其業上下相

希言相希准以為法也若望參表則邪者可知也參表謂立表所以參驗曲直

吏嗇夫任事

吏嗇夫謂檢束羣吏之官也若督郵之比也

人嗇夫任教

人嗇夫亦

謂檢束百姓之官

教在百姓論在不撓

謂百姓有不從教論其罪罰不撓法以行私

賞在信誠體之以君臣其誠也以守戰

既賞信罰必君臣合體莫不至

誠故入可以守城出可以野戰也

如此則人嗇夫之事究矣吏嗇夫盡

有訾程事律

訾限也程准也事律謂每事據律而行也

論法辟衡權斗斛文

劾不以私論而以事為正

辟刑也文劾言據文而舉劾謂論法刑已下皆據事以為

正不曲從其私也

如此則吏嗇夫之事究矣人嗇夫成教吏嗇

夫成律之後則雖有敦慤忠信者不得善也

人嗇夫之教既成則

人皆忠信故無有獨得善者也而戲豫怠傲者不得敗也吏嗇夫之律既成人皆懼

法不敢為非雖有豫怠不得為敗也如此則人君之事究矣是故為人君

者因其業

謂因人嗇夫之業也

乘其事

謂乘吏嗇夫之事

而稽之以度

又

國之法度考此二者有善者賞之以列爵之尊田地之厚而民不

慕也

善自應賞故不善者不敢橫慕

有過者罰之以廢亡之辱僂死之

刑而民不疾也

過自應罰故人不敢疾怒

殺生不違而民莫遺其親

者

或罰而教之或賞而生之皆不違其理則人知主德之有常不輕為去就故人不遺其親也

此唯

上有明法而下有常事也

天有常象懸象著明不改其貞地有常形山澤通氣不改其靜人有常禮尊君

父卑臣子其儀不易一設而不更此謂三常兼而一之人君之道

也人君無官兼統眾官故曰兼而一之分而職之各有司存人臣之事也君失

其道無以有其國臣失其事無以有其位然則上之畜

下不妄而下之事上不虛矣上之畜下不妄則所出法

制度者明也下之事上不虛則循義從令者審也上明

下審上下同德代相序也代更也謂上明下審更相序君不失其威

下不曠其產而莫相德也君以威覆下下以產供上各有所恃故不相德是以

上之人務德而下之人守節義禮成形於上而善下通

於民則百姓上歸親於主而下盡力於農矣故曰君明

相信五官肅士廉農忠商工愿則上下體上下各得其體也而

外內別也民性因而三族制也三族謂農商工也言因上下有體內外有別故

此三族各得其制也夫為人君者廕德於人者也君者以德廕人為人臣

者仰生於上者也臣者仰君而生為人上者量功而食之以足

量其功之多少制祿以食之各得足也為人臣者受任而處之以教受任者必

設布政有均民足於產則國家豐矣以勞受祿則民不

幸生

有勞者必得祿人則致死以立功不微倖而偷生也

刑罰不頗則下無怨心

名正分明則民不惑於道

刑名職分明則人於道不惑也

道也者上之

所以導民也是故道德出於君

德從君出

制令傳於相

令因相傳

事業程於官

官各以其事業程於君也

百姓之力也胥令而動者也

胥視也視令而動則所舉不妄

是故君人也者無貴如其言

君以言制下無言則下無所稟令故言最貴也

人

臣也者無愛如其力

臣則宣力事君故其力最可愛也

言下力上

君言下於

臣臣力上於君也

而臣主之道畢矣是故主畫之相守之

畫謂分別

其所授事君既畫其相畫之官守之官畫之民役之既官

畫之人則役力以行其事則又有符節印璽曲法筭籍以相揆也符節

印璽所以示其信也曲法筭籍所以示之制也凡此可以考其真偽定其是非故曰以相揆也此明公

道而滅姦偽之術也論材量能謀德而舉之謀知其德然後舉用

之上之道也專意一心守職而不勞不以職事為勞苦下之事

也為人君者下及官中之事則有司不任下及官中之事則君奪臣

職故有司不任也為人臣者上共專於上則人主失威臣當上供從君

之命今乃專上之權故主失威是故有道之君正其德以莅民而不言

智能聰明智能聰明者下之職也所以用智能聰明者

上之道也

謂用下之智能聰明

上之人明其道下之人守其職上

下之分不同任而復合為一體

君為元首臣為股肱故曰一體

是故知

善人君也

知善則謀慮深遠故可以為人君也

身善人役也

身善則材能可任故為人

也役君身善則不公矣

君身善則智淺故不公人也

人君不公常惠於

賞而不忍於刑

不公則不識理之正故惠賞而不忍刑也

是國無法也治國

無法則民朋黨而下比飾巧以成其私法制有常則民

不散而上合竭情以納其忠是以不言智能而順事治

國患解大臣之任也不言於聰明而善人舉姦偽誅視
聽者衆也是以爲人君者坐萬物之原而官諸生之職
者也

謂授諸生之官而任之以
職也生謂知學之士也

選賢論材而待之以法

舉而得其人坐而收其福不可勝收也

得人則福多
故不可勝收

官

不勝任奔走而奉其敗事不可勝救也

不勝任則敗廣
故不可勝救

而國未嘗乏於勝任之士上之明適不足以知之是以
明君審知勝任之臣者也故曰主道得賢材遂百姓治
治亂在主而已矣故曰主身者正德之本也官治者耳

目之制也

官稟君命而後行若耳目待上制而後用故曰官者耳目之制

身立而民化德

正而官治官化民其要在上是故君子不求於民

正身

而是以上及下之事謂之矯

及猶預也矯偽也上預下事則偽有餘而實不足也

下

及上之事謂之勝

下預上事則威權勝君故也

為上而矯悖也為下

而勝逆也國家有悖逆反迂之行

迂背

有土主民者失其紀也

是故別交正分之謂理

別上下之交正君臣之分

順理而不失之謂

道道德定而民有軌矣有道之君者善明設法而不以

私防者也而無道之君既已設法則舍法而行私者也

為人上者釋法而行私則為人臣者援私以為公公道

不違則是私道不違者也

臣之所以為公者乃是私也名曰不違公道便是不違私

道也 行公道而託其私焉寔久而不知姦心得無積乎既

行私而不知則是姦心之積也故言姦心豈復無積乎 姦心之積也其大者有侵

偏殺上之禍其小者有比周内爭之亂此其所以然者

由主德不立而國無常法也主德不立則婦人能食其

意君意委曲隨於女謂若食之充口故曰婦人能食其意 國無常法則大臣敢侵

其勢大臣假於女之能以規主情假因也因女之能食主意以規度主之情

也婦人嬖寵假於男之知以援外權

婦人既得君之嬖寵又因大臣之智

以引其外權則何為而不成也

於是乎外夫人而危太子

女寵既隆又挾大臣之助

故夫人被外太子見危

兵亂內作以召外寇此危君之徵也

是故有道之君上有五官以牧其民則衆不敢踰軌而

行矣下有五橫以揆其官則有司不敢離法而使矣

謂橫

糾察之官得入人罪者也

五官各有其橫曰五橫朝有定度衡儀以尊主位

正衡

衣服綽統盡有法度

綽統古衮冕字

則君體法而立矣

體猶依也君

據法而出令有司奉命而行事百姓順上而成俗著久

而為常

著明而且久積習而為常也

犯俗離教者衆其姦之

衆以離教為姦

而罪之也

則為上者佚矣天子出令於天下諸侯受令於天

子大夫受令於君子受令於父母下聽其上弟聽其兄

此至順矣衡石一稱斗斛一量丈尺一縵制

所謂同律度量衡也

縵古准字准節律度量也謂丈尺各有准限也

戈兵一度書同名車同軌此至

正也從順獨逆從正獨辟此猶夜有求而得火也

衆皆從順

而有獨逆者衆皆從正而有獨辟者必為順正者所伏也

姦偽之人無所伏矣此先

王之所以一民心也是故天子有善讓德於天諸侯有

善慶之於天子

諸侯有善讓於天子而慶也

大夫有善納之於君民

有善本於父慶之於長老此道法之所從來是治本也

道法以讓為主

是故歲一言者君也

謂正歲之朝布之縣象

時省者相也

月稽者官也務四支之力修耕農之業以待令者庶人

也是故百姓量其力於父兄之間聽其言於君臣之義

而官論其德能而待之

謂百吏之官各論其德能以待君命

大夫比官中

之事不言其外而相為常具以給之

具論衆官之法制也

相總要

者

相無常官所以總統百吏之要

官謀士量實義美匡請所疑

士事也官各謀

其職事也又當量實宜具有美善
者用匡於所疑必陳而請之也
而君發其明府之法

瑞以稽之

府謂百吏所居之官曹也立府必有明法故曰明府之法瑞君所與臣為信者珪璧之屬

也又必合其瑞以考之也

立三階之上南面而受要

君之路寢前有

之日是以上有餘日

上唯受要故有餘日

而官勝其任

各理其職故能勝任

時令不淫而百姓肅給

言其敬而供上

唯此上有法制下有分

職也

道者誠人之姓也非在人也

姓生也言道立人之生人之所從出故非在人而

聖王明君善知而道之者也

道猶言也聖王善知是故

治民有常道而生財有常法道也者萬物之要也為人

君者執要而待之則下雖有姦偽之心不敢殺也不敢殺君

夫道者虛設道無形而善應故曰虛設其人在則通其人亡則塞者

也非茲是無以理人非茲是無以生財前茲是謂其道民治財

育其福歸於上是以知明君之重道法而輕其國也得道

之真以理身緒餘以理國家故重道而輕國故君一國者其道君之也道可為君

故君王天下者其道王之也道可王故大王天下小君

一國其道臨之也其道足以臨國與天下也是以其所欲者能得諸

民君之所欲人則順之令得其所惡者能除諸民君之所惡亦順之而除所欲

者能得諸民故賢材遂所惡者能除諸民故姦偽省如

治之於金陶之於埴制在工也廢置之由君若金埴之由工也

是故將與之惠厚不能供謂欲與人雖有惠厚之意財不能供將殺之嚴

威不能振謂欲殺人以致其理然而嚴威銷縮不能振起也嚴威不能振惠厚

不能供聲實有間也或有聲無實或有實無聲聲實間礙故不供不振也有善者

不留其賞故民不私其利善必得賞私利何為有過者不宥其罰

故民不疾其威宿猶停也罰得其過則人不疾其威疾怨也威罰之制無踰

於民

因人所欲罰而罰之故不踰於人也

則人歸親於上矣如天雨然澤

下尺生上尺

澤從上降潤有一尺則苗從下生上引一尺澤下降苗上引猶君恩下流人心上就

也 是以官人不官事人不事獨立而無稽者人主之位

也

君者與人之官而不自官授人之事而不自事獨立於無過之地臣下莫得而稽之如此者人主之位也

先王之在天下也民比之神明之德先王善牧之於民

者也夫民別而聽之則愚

別而聽之則各信其一方暗莫之發故愚

合而聽

之則聖

合而聽之則得失相輔可否相濟芻蕘之言賢聖不能易故聖也

雖有湯武之

德復合於市人之言是以明君順人心安情性而發於

衆心之所聚

聚謂同所歸

是以令出而不稽

稽留也

刑設而不

用

人不犯法故無所用刑

先王善與民為一體

以百姓心為心故曰一體

與民

為一體則是以國守國以民守民也

一國同一意萬人同一心

然則

民不便為非矣

為非則失利故不便

雖有明君百步之外聽而不

聞

耳聽有所極

間之堵牆窺而不見也

目視有所窮

而名為明君

者君善用其臣臣善納其忠也

君能善用臣能善納則何聽而不聞何視而不見

見耳目不壅非明而何也

信以繼信善以傳善

君信而臣繼之君善而臣傳之

四海之內可得而治是以明君之舉其下也盡知其短

長知其所不能益若任之以事

夫任人以事者必擇其可否君之舉臣亦猶是

也賢人之臣其主也盡知短長與身力之所不至

謂知君之

短長及其身力所不至也

若量能而授官

夫授人官者亦擇其可否臣之擇事亦猶是也

上

以此畜下

擇其可畜而畜之

下以此事上

擇其可事而事之

上下交期

於正

君有賢臣臣有令主欲求不正其可得乎

則百姓男女皆與治焉

君臣正則

百姓無自為淫僻也

管子卷十

欽定四庫全書

管子卷十一

唐 房玄齡 注

君臣下第三十一

短語五

古者未有君臣上下之別未有夫婦妃匹之合獸處羣

居以力相征

若野獸之處以羣而居力強者征於弱也

於是智者詐愚彊者

凌弱老幼孤獨不得其所故智者假衆力以禁強虐而

暴人止

智者即聖王也

為民興利除害正民之德

正人之德

而民

師之師智者也是故道術德行出於賢人賢人知道術德行者也其從

義理兆形於民心則民反道矣道術既出故莫不從義而順理理之極則無姦

僻之事始見於人心則人無不道矣名物處違是非之分則賞罰行矣既人

反道故以正其善惡之物處其背理之違則為是非者自分矣是非既分故行賞罰以當其功過也上下

設民生體而國都立矣上下既設人則生其貴賤之禮故國都立也是故國

之所以為國者民體以為國貴賤成禮方乃為國君之所以為君

者賞罰以為君無賞罰則君不足貴致賞則匱致罰則虐罰而無節則虐

財匱而令虐所以失其民也是故明君審居處之教而

民可使

人從教故可使

居治戰勝守固者也

居處既治戰則勝守則固

夫賞

重則上不給也

賞重則費用多故不給也

罰虐則下不信也

令虐則人無所

措手足故不信也

是故明君飾食飲弔傷之禮

飲食謂享燕傷謂喪祭也而

物屬之者也

禮行則物親也

是故厲之以八政

八政謂洪範之八政

旌之

以衣服

衣服所以表貴賤也

富之以國裹

裹謂財貨所苞裹而藏也

貴之以王

禁

禁令行然後知常者之可貴也

則民親君可用也民用則天下可致

也天下道其道則至

君得名道則天下至

不道其道則不至也夫

水波而上盡其搖而復下其勢固然者也

言水波湧而上既盡其勢

還復搖動歸下而止此自然之勢
喻人懷德而來畏威不去者也

故德之以懷也威之

以畏也則天下歸之矣有道之國發號出令而夫婦盡

歸親於上矣布法出憲而賢人烈士盡功能於上矣千

里之內束布之罰

束謂帛也布謂錢也古者罰刑或令出錢帛也

一畝之賦盡

可知也

賢人為之視聽故無不知

治斧鉞者不敢讓刑

讓猶拒也當其罪不敢讓

刑也

治軒冕者不敢讓賞

賞當其功故不讓也

墳然若一父之子若

一家之實義理明也

墳順貌或刑賞之莫敢違逆若子之從父家之從長如此者禮義明

也故

夫下不戴其上臣不戴其君則賢人不來

上下不交則賢人隱

賢人不來則百姓不用

百姓無賢人則不知所歸故百姓不用也

百姓不用

則天下不至

百姓不用則天下無邦將何至哉

故曰德侵則君危

君德見侵

不危論議何待論侵則有功者危

不明故有功者危

令侵則官危

行故官危也

刑侵則百姓危

刑侵則無辜受戮故百姓危也

而明君者

審禁淫侵者也上無淫侵之論則下無冀幸之心矣為

人君者倍道棄法而好行私謂之亂為人臣者變故易

常而巧官以諂上謂之騰亂至則虐

騰謂凌駕於君

騰至則北

騰至則摧降故敗北

四者有一至敗敵人謀之

四者則上之四危也

則故施

舍優猶以濟亂則百姓悅

言施恩厚舍罪罰二者優厚雖非用法猶能濟亂故百姓

悅之

選賢遂材而禮孝弟則姦偽止

達遂要淫佚別男女

則通亂隔

要謂遮止之也言能止淫佚別男女則雖先通亂令能隔阂也

貴賤有義倫

等不踰則有功者勸國有常式故法不隱則下無怨心

隱謂伏而不行

此五者興德匡過存國定民之道也夫君人者

有大過臣人者有大罪國所有也

國之所

民所君也者

已之所

有國君民而使民所惡制之此一過也

言民惡君之制已此

亦君之過

民有三務不布其民非其民也

三務謂春夏秋務農人不務三則餒

餓成變故民非其民也

民非其民則不可以守戰此君人者二過

也夫臣人者受君高爵重祿治大官倍其官遺其事穆

君之色

穆猶悅也

從其欲阿而勝之

阿曲也巧言令色委曲從君至於動也剛漸以

勝之其終或至於篡殺故曰阿而勝之也

此臣人之大罪也君有過而不改

謂之倒臣當罪而不誅謂之亂君為倒君臣為亂臣國

家之衰也可坐而待之是故有道之君者執本相執要

大夫執法以牧其羣臣羣臣盡智竭力以役其上

謂給上之

役也四守者得則治易則亂故不可不明設而守固

明設上四法固

而守之 昔者聖王本厚民生審知禍福之所生是故慎小

事微違非索辯以根之

謂有違非必尋索分辯得其根而止之也

然則躁作

姦邪偽詐之人不敢試也

不敢為非以嘗君

此禮正民之道也

制禮者用此道以正人也

古者有二言牆有耳伏寇在側牆有耳者

微謀外泄之謂也伏寇在側者沈疑得民之道也微謀

之泄也狡婦襲主之請而資游慝也

襲入也謂狡婦妖蓋人主遂行請謁

所請既從外資游說為姦慝者也

沈疑之得民也者前貴而後賤者為

之驅也

所驅役之人前得貴寵今忽淪賤然賤者必思貴常伺君以興禍故謂之伏寇也

明君

在上便僻不能食其意

便僻者不能諂君以得意故曰不能食其意也

刑罰亟

近也

既不能得君意故刑罰數也

大臣不能侵其勢

不能侵君之勢

比黨者

誅明也

君明故比黨者誅之

為人君者能遠讒諂廢比黨淫悖行

食之徒

游行食游食

無爵列於朝者此止詐拘姦厚國存身之

道也為人上者制羣臣百姓通中央之人

中央之人謂君之左

右也左右與君和之也

是以中央之人臣主之叅

左右之人在臣主之間叅會其

事者制令之布於民也必由中央之人中央之人以緩

為急急可以取威

君雖曰緩左右行之乃為急故能取威也

以急為緩緩可

以惠民

君雖曰急左右行之為緩故能惠人

威惠遷於下則為人上者危

矣賢不肖之知於上必由中央之人財力之貢於上必

由中央之人能易賢不肖而可威

實賢謂之不肖實不肖謂之賢故曰易賢

不肖也 黨於下有能以民之財力上陷其主而可以為勞

於下

用人財力上以陷主即於下以為勞

兼上下以環其私

上則擅君之柄下則用人

財力上下之利皆用逸身故曰環其私也

爵制而不可加則為人上者危矣

勢既凌君故爵制不能加也

先其君以善者侵其賞而奪之實者也

先君行善則是侵君之賞奪君之富實也

先其君以惡者侵其刑而奪之威

者也訛言於外者脅其君者也

假說妖妄之言以惑衆如此者欲脅君也鬱

令而不出者幽其君者也

鬱塞也君之令而不出行者將欲幽君也

四者一

作而上下不知也則國之危可坐而待也神聖者王仁

智者君武勇者長此天之道人之情也天道人情通者

質寵者從此數之因也

質主也能通於天道人情者可以為主其不能通但寵貴之者

可以為從謂臣也言臣主數因此通而立也

是故始於患者不與其事親其

事者不規其道

言初始謀慮而憂患者乃行其事令人為之而不自預此謂君也

是以

為人上者患而不勞也百姓勞而不患也君臣上下之

分素則禮制立矣是故以人役上

人謂百姓百姓勞以其身供上之役也

力役明

謂臣勤力役用其明而理職位

以刑役心

刑法也君則役心以出法制也

此物

之理也心道進退

心則度量可不故進退也

而刑道滔

滔謂充也

曲也設法有當不故有合成也

進退者主制

君心進退所以主為制令

滔趕者主勞

主勞者方主制者圓

君臣之道主得制者其事必有方有圓也

圓者運運者

通通則和

圓謂君道也圓而不滯必運而無礙通者必暢故和之也

方者執執者固

固則信

方謂臣道也方而有常故執而不舍則固固而不妄則信也

君以利和

利也臣以節信

臣則守節則

上下無邪矣故曰君人者制仁臣

人者守信此言上下之禮也君之在國都也若心之在

身體也道德定於上則百姓化於下矣戒心形於內戒

之心成形於內則容貌動於外矣正也者所以明其德必正然後德明

知得諸已知得諸民從其理也於已既不失於人必不妄如此者從理故也

知失諸民退而修諸已反其本也有失於人必修已自責如此者反其本也

所求於已者多故德行立求已多者必進德修業故德行立也所求於人

者少故民輕給之求人者少必薄賦斂故人輕於給也故君人者上注臣

人者下注上注者紀天時務民力上注謂注意於上天故紀要天時務全人

也力下注者發地利足財用也

下注謂注意於下地故發興地利足於財用也故

能飾大義審時節上以禮神明下以義輔佐者

所用輔佐皆得

其宜明君之道能據法而不阿上以匡主之過下以振民

之病者忠臣之所行也明君在上忠臣佐之則齊民以

政刑牽於衣食之利

君明臣忠則國理國理則人重生故人皆以養其形而牽繫於衣食

之利也故愿而易使愚而易塞

塞止也易用法止也君子食於道小

人食於力分民

食道力不同故曰分民也

威無勢也無所立

必有勢然後有

所立事無為也無所生

必有為然後有所生

若此則國平而姦省矣

君子小人既食於道力邪惡之人復無所立生故國平而姦省君子食於道則義審而

禮明義不審則無所食也義審而禮明則倫等不踰雖有偏卒之

大夫不敢有幸心則上無危矣國既明禮義倫等不踰雖有大夫偏獨出伏罪

而怨不敢有幸亂心齊民食於力則作本作本者衆農以聽命是

以明君立世民之制於上猶草木之制於時也草木必得時然

後故民迂則流之人太迂曲不行則流通之民流通則迂之人太流蕩則迂

之屈決之則行塞之則止雖有明君能決之又能塞之決

之則君子行於禮塞之則小人篤於農君子行於禮則

上尊而民順小民篤於農則財厚而備足上尊而民順

財厚而備足四者備體

謂備具而成體

頃時而王不難矣四肢

六道身之體也

四肢謂手足也六道謂上有四竅下有二竅也

四正五官國之

體也

四正謂君臣父子五官謂五行之官也

四肢不通六道不達曰失四

正不正五官不官曰亂是故國君聘妻於異姓設為姪

娣命婦宮女盡有法制所以治其內也明男女之別昭

嫌疑之節所以防其姦也是以中外不通讒慝不生婦

言不及官中之事而諸臣子弟無宮中之交此先王所

以明德圍姦昭公威私也明立寵設不以逐子傷義明立

正嫡設其貴寵子不令逐而廢之故不傷義也禮私愛驩勢不並論嫡子者所以傳重也

故禮許私愛雖驩之起異可也爵位雖尊禮無不行嫡

子爵位雖復尊異必須行之以禮也選為都俊冒之以衣服旌之以章旗

所以重其威也所立之嫡必選其都雅俊好者又以美衣麗服覆習之章表旗幟旌異之凡此

皆所以重嫡然則兄弟無間却讒人不敢作矣嫡威重則兄弟

和故讒人無所作其讒矣故其立相也陳功而加之以德論勞而昭

之以法參伍相德而周舉之尊勢而明信之其謂國相則功德兩

兼勞法獲美於此四者參驗伍偶相與俱得其是以下
事既周然後舉用之既用之尊勢而明信之也

之人無諫死之詔君明相賢必從說如流故無諫死之忌也而聚立者無鬱

怨之心聚立謂天下會同也各得其所故無怨望也如此則國平而民無慝

矣慝姦惡者也其選賢遂材也舉德以就列不類無德舉有德者

以就列位不以類舉能以就官不類無能以德奔勞不以

傷年有德者超於上列使在有功勞者之前故曰有德掩勞苟有德雖年未至而亦將用之不以年少為

之傷也如此則上無困而民不幸生矣有功能必賞用之故人不以苟生為

幸國之所以亂者四其所以亡者二內有疑妻之妾此

宮亂也庶有疑嫡之子此家亂也朝有疑相之臣此國

亂也任官無能此衆亂也四者無別

無別謂妻妾嫡庶等不分別也

主

失其體羣官朋黨以懷其私則失族矣

國亡則宗族隨之故曰失族也

國之幾臣陰約閉謀以相待也則失援矣

為國之機臣下陰為要結

其所謀者閉而不泄以此相待人必懷疑而不相親矣故失其援也

失族於內失援於外

此二亡也故妻必定子必正相必直立以聽官必中信

以敬故曰有宮中之亂有兄弟之亂有大臣之亂有中

民之亂

中民謂百吏之屬也

有小人之亂五者一作則為人上者

危矣宮中亂曰妬紛

言積妬紛然所以亂

兄弟亂曰黨偏

黨偏則強弱相

凌故也

大臣亂曰稱述

各稱述其已德之長而不相讓則亂也

中民亂曰讐

諄

謂以智詐讐恐諄實則亂

小民亂曰財匱

賦稅重則財匱故亂

財匱生薄

財不

供則禮義息故薄也

龍言諄生慢

不重淳實而智詐恐讐之此其慢也

稱述黨偏妬紛

生變

此三者或生篡君弑主能為大變也

故正名稽疑刑殺亟近則內定

矣

正嫡庶之名稽妻妾之疑不正者之黨數取其偏近者而刑殺之如此則黨偏妬紛之變息故內定順

大臣以功順中民以行順小民以務

順用其務農也

則國豐矣

三者各稱其所順故國豐也

審天時

天時各有宜也

物地生以輯民力禁淫

務繡文刻鏤淫務勸農功以職其無事無事者皆令得職也則小民治矣

上稽之以數謂上欲有所徵發必考其定數以命之也下什伍以徵既得其定數下

其什伍名以徵之也近其罪伏以固其意日期既近尚有供者則加之罪以權伏之所

以固供者之意鄉樹之師以遂其學每鄉必立之師以遂之也官之以其能

及年而舉則士反行矣舉而有材能者則授之以官既有年矣則舉其功過而考察之

如此則皆反其行矣稱德度功勸其所能若稽之以衆風若任以

社稷之任既稱其德又度其功則其材能不可不知矣既知其能順而考之或使之莅衆以立風化

其材能尤高者或投之以社稷之任者也若此則士反於情矣有能必任之以職故士反

於情也

小稱第三十二

稱舉也小舉其過則當權而改之

短語六

管子曰身不善之患毋患人莫已知

言但患身之不善耳無患人不知已

也丹青在山民知而取之美珠在淵民知而取之

丹青與珠

各有可用之性故雖在山泉而藏人猶知而取之況在於人懷善而不知乎

是以我有過為

而民毋過命

我身有過為人必知而名之毋有過而妄命者也

民之觀也察矣

不可遁逃

有過必知故不可以遁逃

以為不善故我有善則立譽我

我有過則立毀我當民之毀譽也則莫歸問於家矣

人既毀譽

則已之善惡審矣故不復問家問家則左右佞媚者善掩其過而飾其非也故先王畏民之

毀譽必當其操名從人無不强也謂君自行善持名使之延譽故強也操

名去人無不弱也君既行惡即是持名去人無善可稱故弱雖有天子諸侯

民皆操名而去之則捐其地而走矣皆持其名而去於人則過惡日聞人

共畏之故弃其地而走也故先王畏民無善名則弃之走故畏人在於身者孰為

利氣與目為利氣也者所以生全其形目也者所以獨見其運為功用莫大焉故最為利也

聖人得利而託焉故民重而名遂聖人之聖精而又神託而行善則譽滿天

下故人重而名遂也我亦託焉聖人託我好我託可惡以來美名

又可得乎我託可惡

我雖託氣濁而不神所行皆可惡用此招來美名其可得乎愛

且不能為我能也

託氣既濁雖令人愛猶不得美名況於惡之乎毛嬙西施天

下之美人也盛怨氣於面不能以為可好

牆施雖美而面有怨氣亦

不能為可好喻聖人外見其惡亦不得美名

我且惡面而盛怨氣焉怨氣見

於面惡言出於口去惡充

所往去於人者皆以惡事充

以求美名又

可得乎

喻人君既內無聖德外皆行惡必無美之名也

甚矣百姓之惡人之有

餘忌也

惡人不善更有餘忌

是以長者斷之短者續之滿者溢之

虛者實之

溢虛也長滿者人所忌故或斷之或虛之短虛者人之所好故或續之或實之也管

子曰善罪身者民不得罪也

成湯罪己故人不罪之也

不能罪身者

民罪之

桀紂罪人故人罪之

故稱身之過者強也

稱身之過即是謙受益也

治

身之節者惠也

懷智之人然後理身節故曰惠

不以不善歸人者仁也

不以不善之事歸之於人如此者仁也

故明王有過則反之於身有善則歸

之於民有過則反之身則身懼

過反於身則懼而脩德也

有善而歸

之民則民喜

民得善故喜也

往喜民

善往則人喜也

來懼身

過來則懼身也

此

明王之所以治民也今夫桀紂不然有善則反之於身

有過則歸之於民歸之於民則民怒反之於身則身驕

往怒民來驕身此其所以失身也故明王懼聲以感耳

人以惡聲懼已耳聞而感則心不敢念非懼氣以感目人以惡氣懼已目見而感則身不敢造惡

以此二者有天下矣可毋慎乎匠人有以感斤擣故繩

可得料也羿有以感弓矢故彀可得中也造父有以感

轡筴故遯獸可及遠道可致彀謂射質棊皮者也感謂深得其妙有應於心者也

天下者無常亂無常治不善人在則亂善人在則治在

於既善所以感之也既盡也天下所以理在於君人內外盡善感之於人也管子曰

脩恭遜敬愛辭讓除怨無爭以相逆也逆迎也謂用此恭敬等以相逆

也則不失於人矣接遜以接人
有得失乎
嘗試多怨爭利相為不遜

則不得其身苟為不遜身尚大哉恭遜敬愛之道吉事

可以入察凶事可以居喪大以理天下而不益也直用

敬愛足以理天下更不須益小以治一人而不損也雖復一身用恭

可足耳亦不須損也嘗試往之中國諸夏蠻夷之國以及禽獸昆

蟲皆待此而為治亂有恭遜敬愛則澤之身則榮去之

身則辱恭遜敬愛身之粉澤也故在身則榮去身則辱也審行之身毋怠雖夷

貉之民可化而使之愛夷貉之人殘戾凶暴苟以審去

之身雖兄弟父母可化而使之惡

父母兄弟恩情結固苟無恭遜敬愛化之

可令生惡

故之身者使之愛惡

之是也同是此身有恭遜敬愛則愛無之則惡

名者

使之榮辱

同是此身之名有恭遜敬愛則榮無之則辱也

此其變名物也如天

如地

言恭遜敬愛可以變化愛惡榮辱名物之善惡如天地之生殺也

故先王曰道者

貴作變化也

管仲有病桓公往問之曰仲父之病病矣若不

可諱而不起此病也仲父亦將何以詔寡人管仲對曰

微君之命臣也故臣且謁之

謁謂有所告之也

雖然君猶不能

行也

恐其不從故以此言抑之

公曰仲父命寡人東寡人東令寡人

西寡人西仲父之命於寡人寡人敢不從乎管仲攝衣
冠起對曰臣願君之遠易牙豎刁堂巫公子開方夫易
牙以調和事公公曰惟烝嬰兒之未嘗於是烝其首子
而獻之公人情非不愛其子也於子之不愛將何有於
公公喜宮而妬豎刁自刑而為公治內人情非不愛其身
也於身之不愛將何有於公公子開方事公十五年不
歸視其親齊衛之間不容數日之行臣聞之務為不久

務時為事久
必發揚之也

蓋虛不長

覆蓋虛妄不得長掩謂上三士
皆務為蓋虛者其姦情終當彰

也露其生不長者其死必不終其所行之行所長之性其至於死必將改復本情未

有能終為意也言三士之忠皆偽忠耳必將復其不忠桓公曰善管仲死已葬公

憎四子者廢之官逐堂巫而苛病起兵苛煩躁也巫善令既逐之而公

有煩苛之病起兵妄征伐無使療之也逐易牙而味不至逐豎刁而宮中

亂逐公子開方而朝不治桓公曰嗟聖人固有悖乎子四

既逐而有四闕故以管仲為悖乃復四子者處暮年四子作難圍公一

室不得出置公一室之中而圍之故不得出也有一婦人遂從竇入得至

公所公曰吾飢而欲食渴而欲飲不可得其故何也婦

人對曰易牙豎刁堂巫公子開方四人分齊國塗十日

不通矣

既有兵難故國之道塗
行旅十日不得通也

公子開方以書社七百

下衛矣

古者羣居二十五家則共置社謂以社數
書於策謂用此七百之書社降下于衛也

食將

不得矣

作亂欲公之死
故不給之食

公曰嗟茲乎聖人之言長乎哉

言其所
見者遠

死者無知則已若有知吾何面目以見仲父於

地下乃援素幘以裹首而絕

幘所以
覆軀也

死十一日蟲出於

戶乃知桓公之死也葬以楊門之扇

謂用門扇
以掩屍也

桓公之

所以身死十一日蟲出戶而不收者以不終用賢也桓

公管仲鮑叔牙甯戚四人飲飲酣桓公謂鮑叔牙曰盬

不起為寡人壽乎

奉尊者酒
祝令增壽

鮑叔牙奉杯而起曰使公

毋忘出如莒時也使管子毋忘束縛在魯也使甯戚毋

忘飯牛車下也桓公辟席再拜曰寡人與二大夫能無

忘夫子之言則國之社稷必不危矣

四稱第三十三

謂稱有道之君無道之君有
道之臣無道之臣以戒桓公

短語七

桓公問於管子曰寡人幼弱昏愚不通諸侯四鄰之義
仲父不當盡語我昔者有道之君乎吾亦鑒焉管子對

曰夷吾之所能與所不能盡在君所矣君胡有辱令

言已

能不皆盡之於君無所隱藏今何勞辱君令而使已言之乎

桓公又問曰仲父寡人

幼弱昏愚不通四鄰諸侯之義仲父不當盡告我昔者

有道之君乎吾亦鑒焉管子對曰夷吾聞之於徐伯曰

昔者有道之君敬其山川宗廟社稷及至先故之大臣

收聚以忠而大富之

先故之臣謂祖考時舊臣也今以忠誠收聚而矜恤之令其大富也

固其武臣宣用其力聖人在前貞廉在側競稱於義上

下皆飾形正明察四時不貸民亦不憂五穀蕃殖外內

均和諸侯臣伏國家安寧不用兵革受其幣帛以懷其

德昭受其令以為法式

鄰國以幣帛來聘當取之以懷來有德其或以制令來告者則

君受之以為法式乎

此亦可謂昔者有道之君也桓公曰善哉桓

公曰仲父既已語我昔者有道之君矣不當盡語我昔

者無道之君乎吾亦鑒焉管子對曰今若君之美好而

宣通也既官職美道又何以聞惡為

言君既美好宣通官又合於美道脩

而行之自可為理何須聞於惡事乎以此抑桓公欲觀其意也

桓公曰是何言邪以縉

緣縉吾何以知其美也以素緣素吾何以知其善也仲

父已語我其善而不語我其惡吾豈知善之為善也管

子對曰夷吾聞之於徐伯曰昔者無道之君大其宮室

高其臺榭良臣不使讒賊是舍舍止也謂止讒賊於其旁與之近也有家

不治借人為圖言自不能理其家借他人圖也政令不善墨墨若夜言其

昏闇之甚也辟若野獸無所朝處野獸各恣意為生不相統屬故無朝處也不脩

天道不鑒四方有家不治辟若生狂狂惑者失其性不分善惡也衆

所怨詛詛祝之也希不滅亡進其諛優繁其鐘鼓流於博塞

戲其工瞽誅其良臣教其婦女唯與婦女為教從也獠獵畢弋暴

遇諸父

其所接遇諸父惟以凶暴

馳騁無度戲樂笑語式政既縣刑

罰則烈

言其法式之政既已縣曲至於刑罰惟益酷烈

內削其民以為攻伐

反

削生為伐功也

辟猶漏釜豈能無竭

漏釜則江海不能滿故必有竭也

此亦可

謂昔者無道之君矣桓公曰善哉桓公曰仲父既已語

我昔者有道之君與昔者無道之君矣仲父不當盡語

我昔者有道之臣乎吾以鑒焉管子對曰夷吾聞之徐

伯曰昔者有道之臣委質為臣不賓事左右

賓敬也

君知

則仕不知則已若有事必圖國家徧其發揮

良臣皆私其所必

能於國家及其
發又普徧之也
循其祖德辨其順逆推育賢人讒慝不

作事君有義使下有禮貴賤相親若兄若弟忠於國家
上下得體居處則思義語言則謀謨動作則事居國則
富處軍則克臨難據事雖死不悔近君為拂遠君為輔
義以與交廉以與處臨官則治酒食則慈不謗其君不
毀其辭君若有過進諫不疑君若有憂則臣服之
服行也
此亦可謂昔者有道之臣矣桓公曰善哉桓公曰仲父
既以語我昔者有道之臣矣不當盡語我昔者無道之

臣乎吾亦鑒焉管子對曰夷吾聞之於徐伯曰昔者無

道之臣委質為臣賓事左右執說以進不斲亾已

執倭說以

進於君專固寵位無求去也

遂進不退

所謂知進而不知退

假寵鬻貴

假因也因君之

寵必能尊其貴

尊其貨賄卑其爵位

未必能貴其爵位但尊其貨賄而已

進曰輔

之退曰不可

進於君則言已能為輔弼退而私議則曰君不可輔

以敗其君皆曰

非我

由斯之人不肖故君有敗乃更推過於君云此非我

不仁羣處以攻賢者

小人

所忌者君子故其羣處常有陷賢之見

見賢若貨

其見賢人無敬恭之心反欲規利若求貨然

見賤若過

其見賤人無矜恤之心蕭然不顧若行者之過

貪於貨賄競於酒食

不與善人唯其所事

人有曲而事已與之交也

倨敖不恭不友善士

讒賊與鬪不彌人爭

其人見爭則恣令鬪無彌縫之心

唯趣人詔制命

不問可不則向而順之言其佞諛

湛酒於酒行義不從

從順也

不脩先故

變易國常擅創為令迷惑其君生奪之政

生猶奪政況於死後乎

保貴寵矜

懼寵而矜夸者則保依而貴重

遷損善士

善士則遷改而損弃之

捕援

貨人

其所捕追而援引者唯財貨之人

入則乘等出則黨駢

其貨賄之人與之同國則

同乘而等至其出也又同黨而駢竝

貨賄相入酒食相親俱亂其君君若

有過各奉其身

奉身自潔推過於君也

此亦謂昔者無道之臣桓

公曰善哉

正言第三十四
闕

短語八

管子卷十一